

幼科金鍼

秦景明先生著

吳果超先生校

上海中醫書局印行

上海图书馆藏书



A541 212 0012 1602B

錢序

海
上
圖
書
館

蓋之人有言。醫者意也。運用之妙。在於一心。法於陰陽。和於術數。神明變化。意想所至。適合病情。所謂從心所欲。不踰規矩者。斯醫也可。司一方之命。能起九死之生。其道不綦重歟。然醫學有淺深。卽醫工分上下。望問聞切。同此視聽。失之毫釐。謬以千里。醫之內分諸科。莫不皆然。而幼科爲尤甚。蓋幼科世稱啞科。遇有疾病。不能自言痛苦。卽言之亦恂恍而莫察其準的。所以診治較難於諸科也。善醫者胸羅秘籍。家富奇書。斯症無遁情。治病百不失一矣。辛酉夏兒子潤琳年甫二歲。有奇病。暑濕甚劇。延吳君果超診治。危而復安。余與吳君本屬世交。因之益加親密。輒與談醫理。知其家學淵源。寢饋醫學者二十有餘年。家藏古書甚富。偶見手鈔郡人秦景明先生幼科金鍼一書。云借錄於亭林戴氏。

惜末缺四則。無從補錄。辨症精細。獲斷詳確。偶師其意。輒獲奇效。不敢自秘。擬付剞劂。以廣流傳。囑余爲序。深愧不文。於醫學又乏門徑。何敢妄議古籍。且秦氏書皆精詳確當。曹序已評之。是爲千秋定論。余可毋庸復贅矣。

中華民國十有二年秋八月金山錢銘銓選青序於雲間復園

曹序

治病難。而治幼兒之病尤難。書康誥曰。如保赤子。大學釋之曰。以誠求之。雖不中。不遠矣。夫既曰不遠。則固未能盡中。母之於子。求之至誠。尙不能必中於赤子之嗜好。况醫者治病。望氣切脉於須臾之間。問之而不能自言。言者或有毫釐千里之差。苟非沈潛古醫書。確有權衡。臨診閱歷。源悉病情。仁心愷惻。體念入微。欲其用藥確當無誤。難矣。松江吳君果超。予中表婿。以儒術通醫理。爲人治病。全活甚多。一日在友人處。見秦氏幼科金針。惜其孤本。行世無多。擬重刊之。問序於予。予數十年來。承遠近過信。所見病者。疾痛慘怛之狀。千變萬態。不可勝數。而舉家老幼。危急憂懼之情。實令人心惻不已。卽以幼科論。嗟泣呻吟。痛疾之意。莫可形容。質弱病重。納藥無多。見效至難。或老年得子。枯楊生稊。一

而難再。或累世單傳。舉家血脉。在此塊肉。其父母涕泣待命。呼號求援。當此之時。下筆躊躇。每於萬難措施之中。求一綫之生機。雖萬全不敢必。而吾心庶幾無憾。昔孟子有言。今人乍見孺子。將入於井。皆有怵惕惻隱之心。病之危。無異入井。而醫之難。百倍於援溺。夫安得不慎乎。父母愛子之心。無所不至。人情所同。爲醫者苟能視人之病如己之病。視人之子爲己之子。則其造福於斯人也無窮。而天道好還。善氣所感。康強自壽。子孫蕃衍。理有必然。然苟非學有淵源。多讀古醫書。多得經驗方。而平心實事。以求其是。亦安能以仁心行仁術耶。秦氏書凡六種。皆精詳確當。實於醫學有裨。向尠刊本。我家故有舊鈔全帙。兵燹後失之。今果超得善本。不自珍秘。以昭同志。予嘉其存心之仁。且公。敬書所見題之。

癸亥正月古吳曹元恆智涵氏書於蘭蕙雪白之齋

秦景明先生遺事二則

松江府志藝術傳。明秦昌遇字景明。上海人。善醫。嘗行村落。見婦人淅米。謂其家人曰。婦痘且發。當不治。須激其怒。使毒發於肝部。乃使僕驟抱之。婦大怒。昌遇曰。可矣。痘發。投藥而愈。有林某年方壯。昌遇視之曰。明年必病。三歲死。已而果然。年六十。豫告終期而卒。生平志趣高雅。董文敏嘗繪六逸圖。皆郡耆宿。景明年最少。與焉。著有大方幼科痘疹折衷行世。果超按幼科折衷附痘疹一書。予家藏有幼科鈔本。而缺痘疹一集。俟異日覓得全書。卽當付刊。至大方則未聞見也。

雲間許元仲三異筆談。載驚痘事。與府志同。又載秦技絕人。而性好博。一入局戲。則天子呼來不上船也。南翔有富室昆仲均卒。弟有一子。妯娌共育之。值患痘危。其母遣僕飛舟迎秦。限以晷刻。至則秦已入局。托以潮逆。興盡登舟。至翔入視。已成反關。不可爲矣。拂衣欲去。延賓者留入客室。則兒母已出一手握刀。

一手拉秦鬚曰。我飛桌來迎。其時痘點尙顯。汝若卽來。尙可爲也。汝託言潮逆。遲遲我行。復隱之。故汝實致之。今兒不能生。我亦不欲活。若亦不得活也。我刺若卽自刺。不忍見兒之絕。差可剖心於長妣。持面於故夫耳。秦大窘。不敢致辯。但曰孽矣。婦復激之曰。君有仙名而不能療一兒。半身名譽。皆盜竊耳。秦曰。有一法。姑試之。愈則不任功也。乃令掘坑臥兒。以黃土徧擁兒身。惟露面目。煎藥水洒之。以席覆其上。婦鑰其門。偕坐共守之。至夜半。忽聞奇臭。秦躍然起曰。生矣。出兒視之。痘已復顯。皮敗肉腐。悉成通漿。不半月而全愈。

幼科金鍼一書爲亭林世醫戴氏所藏。世無刊本。亦尠人知。郡史小說均未載及。若無戴氏收藏。秦氏佳編。湮不彰矣。余與戴氏爲醫世交。章甫君因余習兒醫。慨然借錄。余不敢自秘。校勘付印。用廣其傳。以誌君之惠書。書凡百則。末缺四則。幸其目尙存。留待補輯云。辛酉季冬金山吳中俊果超謹誌。

幼科金鍼目錄

卷上

第一編 全胎

延生第一丹

第二編 胎寒

七香散

理中湯

第三編 臟寒

理中溫胃湯

訶子散

第四編 胎熱

三黃散

大連翹飲

第五編 臍風撮口

蜈蚣散

一字金

白芍藥湯

第六編 胎驚

辰砂抱龍丸

保命丹

第七編 盤腸內癥

木香散

第八編 夜啼

金箔鎮心丸

鈎藤膏

琥珀抱龍丸

五苓散

第九編 天癆

鈎藤散

代赭扶脾湯

第十編 鵝口疳

三黃散

冰硼散

第十一編 乳癰

疏風透肌湯

第十二編 急驚

抱龍丸

搐鼻散

備急丸

截風散

第十三編 慢驚

六君子湯

第十四編 慢脾

醒脾飲

香稜散

第十五編 解顛

調元地黃湯

三辛散

第十六編 耳沁

梔子清肝湯

第十七編 齒語行遲

芎調散

菖蒲丸

虎骨丸

第十八編 弄舌舒舌

瀉黃散

錢氏白朮散

第十九編 項軟

地黃丸

瀉肝丸又名瀉青丸

第二十編 五軟五硬

橘連丸

地黃丸全項軟門第十九

小續命湯

羗活散

第二十一編 傷風

疏風散

辰砂抱龍丸全胎驚門第六

第二十二編 咳嗽

麻黃湯

清肺飲

補肺飲

瀉白散

第二十三編 肺風痰喘

礞石滾痰丸

定喘湯

羌活湯

第二十四編 喘急

清肺飲全咳嗽門第二十二

定喘湯全肺風門第二十三

第二十五編 天哮

啓雲抱龍丸

欵冬花丸

第二十六編 鼻風

消風散

加味地黃湯

第二十七編 胎怯

十全大補湯

第二十八編 滯頤

溫脾丹

溫胃散

第二十九編 潮熱

加味小柴胡湯

加味地黃湯

第三十編 痰症

抱龍丸全胎驚門第六

沃雪痰滾丸全肺風門第二十三

即礞石滾痰丸

第三十一編 吐瀉

香稜散全慢脾門第十四

醒脾飲全慢脾門第十四

五苓散全夜啼門第八

疏風分理散

黃連香茹飲

第二十二編 疝氣

小茴香湯

茱萸湯

第二十三編 盜汗自汗

當歸六黃湯

麥煎湯

第二十四編 五淋

八正散

導赤散

第二十五編 溺血

加味四物湯

益元散

第三十六編 傷寒

麻黃發表湯

大承氣湯

小柴胡湯

第三十七編 夾食夾驚

備急丸全急驚門第十二

抱龍丸全胎驚門第六

金鍼治夾食夾驚方

第三十八編 汗粟

加減柴胡湯

第三十九編 傷食

牛黃散

備急丸全急驚門第十二

第四十編 傷積

香稜散全慢牌門第十四

五疳消積散

白餅子

參苓白朮散

第四十一編 食厥

備急丸全急驚門第十二

搐鼻散全急驚門第十二

清脾飲

第四十二編 腹痛

木香正氣散

理中湯全胎寒門第二

史君子湯

第四十三編 顛陷顛填

大連翹飲全胎熱門第四

柴胡散

三辛散全解顛門第十五

地黃丸全項軟門第十九

第四十四編 風癇

牛黃散

第四十五編 驚悸

溫膽湯

養血清心湯

第四十六編 五癇

祛風追痰丸

八寶丹

第四十七編 丹疹

金鍼治丹疹方

第四十八編 水腫

分氣飲

五皮飲

第四十九編 嘔吐

消積散全傷積門第四十

醒脾飲全慢脾門第十四

香稜散全慢脾門第十四

理中湯全胎寒門第二

香橘餅

香蘇散

二陳湯

追蟲散

第五十編 脾胃

助胃膏

八僊膏

卷下

第五十一編 心疝

茯苓丸

蘆薈肥兒丸

第五十二編 肝疝

五疳消積散全傷積門第四十

復明散

天麻丸

第五十二編 脾疳

五疳消積散全傷積門 四十

香稜散全慢脾門第十四

健脾丸

第五十四編 肺疳

清肺飲全咳嗽門第二十二

蘆薈肥兒丸全心疳門第五十一

第五十五編 腎疳

蘆薈消疳飲

人中白散

第五十六編 丁奚哺露

鰲甲散

肥兒丸全心疳門第五十一

第五十七編 雞胸龜背

雞胸丸

枳殼防風丸

清肺飲全咳嗽第二十二

第五十八編 痧癆

清疳丸

當歸養血湯

龍胆安神丸

第五十九編 霍亂

理中湯全胎寒門第二

五苓散全夜啼門第八

藿香正氣散

第六十編 中暑

益元散全濁血門第三十五

黃連香薷飲全吐瀉門第三十一

第六十一編 中寒

理中湯全胎寒門第二

香蘇散全嘔吐門第四十九

第六十二編 中惡

蘇合香丸

第六十三編 瘧疾

截瘧不二飲

第六十四編 痢疾

導氣飲

枳榔丸

香連丸

加減養臟湯

痢疾不治訣

第六十五編 脫肛

提肛散

壁土湯

鰲頭散

第六十六編 瘧癘

灸法

第六十七編 痢後風

十全大補湯全胎怯第二十七

第六十八編 休息痢

槐朮散

金鍼治休息痢方

第六十九編 黃疸

茵陳五苓散

金鍼治黃疸方

第七十編 積氣

遇仙丹

橘核散

大茴香湯

第七十一編 停積

牛黃散全傷食門第三十九

雞裏金散

第七十二編 鼻衄

河間地黃散

犀角地黃湯

第七十三編 便血

地黃丸全項軟門第十九

補中益氣湯

第七十四編 閉結

大承氣湯全傷寒門第三十六

潤腸丸

蜜導法

第七十五編 泄瀉

理中湯全胎寒門第二

溫胃散全滯頤門第二十八

五疳消積散全傷積門第四十

參苓白朮散全傷積門第四十

疎風分理散全吐瀉門第三十一

五苓散全夜啼門第八

益元散全溺血門第三十五

香橘餅全嘔吐門第四十九

木香荳蔻散

胃苓湯

第七十六編 虻厥

遇仙丹全積氣門第七十

追蟲散全嘔吐門第四十九

備急丸全急驚門第十二

參苓白朮散全傷積門第四十

第七十七編 溺癰

益元散全溺血門第三十五

第七十八編 胎內傷

第七十九編 奶癰

第八十編 赤遊丹毒

大連翹飲全胎熱門第四

三黃散全胎熱門第四

升麻葛根湯

金鍼治赤遊丹法

第八十一編 赤遊癰

第八十二編 重舌木舌

冰硼散全鵝口門第十

朴硝散

瀉心散

第八十二編 風毒

荆防敗毒散

第八十四編 走馬疔

人中白散全腎疔門第五十五

蘆薈消疔飲全腎疔門第五十五

冰硼散全鵝口門第十

第八十五編 乳蛾

清咽利膈湯

第八十六編 螞蟻丹

化斑解毒湯

製人中黃法

第八十七編 喉痺

冰硼散全鵝口門第十

加味清咽利膈湯

第八十八編 鹽哮醋哮

第八十九編 疔腮

柴胡葛根湯

第九十編 葡萄疫

羚羊角散

第九十一編 耳潰

紅綿龍骨散

第九十二編 火燙

紫草潤肌膏

龜蛇散

四順清涼飲

第九十二編 濕痺

舒筋活血飲

當歸拈血湯

第九十四編

膿窠瘡

消風散

蛇床子散

第九十五編

瘡痂

一掃光

金鍼治瘡痂方
几三

第九十六編

反關痘

麻黃透肌湯

萎蘇湯

第九十七編
缺

痘疔

第九十八編
缺

痘風瘡

第九十九編
缺

第一百編
缺

尻神歌

幼科金鍼目錄

幼科金鍼卷上

雲間秦昌遇景明輯

金山吳中俊果超校

第一編 全胎

靈根一縷固元陽

天授神丹非世方

若使真精能返復

終身無疾少瘡瘍

夫人爲三才之首。具有小天地。本厥元始。非是空桑。實由父母精血而成形也。是以先天之氣具足而生者。其子易於長成。如其不足。必至尪羸。或中道夭亡。故受孕之始。必須謹慎胞胎。又爲先天之寶。何則。以其元氣貫足於其中。精血橐籥於其外。嬰兒在腹。咀嚼其精神。取資其血乳。實爲結胎成子之器。嬰兒墮地。失其所寶。元氣已離。出頭啼哭。必得使之返復先天。使真元不失。易於生長。

無有諸疾。血氣充滿。痘疹必稀。瘡痍亦鮮。須延生第一丹。

小兒初生，臍帶落後，取置新瓦上，燒烟將盡，放地上，以蓋覆之，存性研末，若臍帶有五分重，配水飛過辰砂研細末二分五厘，生地黃當歸身煎濃汁，調抹兒上，及母乳頭上，使藥下盡，次日大便遺下胎毒穢物，是其驗也，可爲不傳之秘。

第二編 胎寒

初產嬰兒甲上青

握拳曲足哭啼驚

面青肢冷如寒戰

速與溫脾必得生

胎寒者。小兒在胎時。因娠母素有火症。過服寒餌。或喜生冷等物。又不能戒口。但取一時快意。殊不知遺患內胎者乎。所稟乃感受先天之前。而非後天之召也。故其症面青。晄白。吐沫。轉乳。啼哭驚悸。急用七香散。或以理中湯治之。卽

愈。

七香散

香附 縮砂仁 益智仁 陳皮 蓬朮 丁香 甘松

右藥各等分爲末薑湯調服

理中湯

人參 白朮 乾薑 炙艸

右藥水煎熱服

第三編 臟寒

臟寒者。兒之降生。或遇嚴寒冰雪。或放於冷濕之地良久。或浸於胞水之中。致令入腹。或浴遲而受凍。乃成臟寒也。然雖曰臟寒。實中於腑也。是以腸鳴水瀉。足冷氣逆。大哭不已。須進理中溫胃湯。訶子散治之。

理中温胃湯

乾薑五分 白芍藥八分 木香五分 元胡索八分 丁香四分

右藥淨水濃煎熱服

訶子散

訶子二兩 煨 丁香一錢 木香四錢 乾薑一兩 肉桂許

右藥共爲細末砂仁湯調服

第四編 胎熱

胎熱唇焦目閉紅 疳黃鵝口及遊風

小便赤兮大便結 三黃清熱是良工

兒胎中受母流熱之毒。生下三朝旬日之間。目閉面赤。眼胞浮腫。啼叫不已。時復驚煩。遍體壯熱。小便黃赤。若不早治。則成鵝口重舌。赤紫丹毒。急以三黃散

進一服。再以大連翹飲。母子同服爲當。

三黃散

川黃連 大黃 黃芩

右藥等分共爲細末燈心湯下

大連翹飲

瞿麥 滑石 連翹 牛蒡子 木通 蟬退 防風 車前子 當歸

荊芥 黑山梔 黃芩 赤芍藥 柴胡 甘草 石膏

加淡竹葉數片水煎熱服

第五編 臍風撮口

生下嬰兒臍受風 啼聲短小面通紅

痰涎不受唇收撮 急治還須總付空

臍風撮口之症。由其初生剪縛臍帶不得法。被客風侵入臍中。或以冷刀斷臍。冷氣所侵者亦有之。或因浴後冒風。傳之於心。心若蘊邪。傳之脾絡。以致唇舌青色。手足微搐。口禁不乳。啼聲短小。喉中痰涎潮响。若見於一月之內者。多爲不救。或於牙根舌上。如有粟米大小泡。以帛纏指。蘸溫水擦破稍開便安。次以蜈蚣散進一服。牙關稍舒。卽以一字金三四服。可保無虞。若使臍突肚緊。微有青色。口撮不開。此肝風盛。脾土受制。不可治也。又有臍突一症。此非臍風。蓋因初生洗浴。繫繫不緊。穢水侵入於內。旬日以後。外臍忽然浮腫如吹。捻動微响。或夜臥驚啼。急用大黃牡蠣各半兩。焙爲末。更以朴硝和勻。用田螺浸水調一二錢。塗腫處卽消。進以白芍藥湯。去其寒溼。而自愈矣。

蜈蚣散

赤足蜈蚣

一條去頭
足炙焦

麝香許

右藥共爲末猪乳調服

一字金

殭蠶五錢

威靈仙四錢

細辛一錢

明礬二錢

麝香許少

明天麻二錢

甘草五分

全蝎三個炒

辰砂一字

右藥共爲細末每用一字至五分薑汁沸湯調和以指抹入牙關內再以鹽梅擦牙根上下次進以藥

白芍藥湯

白芍藥 澤瀉 薄荷 甘草 苡仁

右藥淨水濃煎熱服

第六編 胎驚

壯熱痰鳴唇臉青

四肢抽掣號胎驚

反目上視腰強直 搖頭喘促藥無靈

胎驚者。小兒在胎中受驚也。因娠母不慎調攝。或跌撲忿怒。有觸於胎。以致兒驚入心。產下而發之也。其症在百日之內。卒然壯熱。搐掣禁口。腰強口筭。痰鳴者是也。見之急。以辰砂抱龍丸。保命丹治之。如唇青氣促。痰鳴爪黑者。不治。

辰砂抱龍丸

天竺黃二錢 牛膽星一兩 防風三錢 天花粉四錢 辰砂四錢半 甘草去皮三錢 雄黃五分

天麻五錢 麝香五分

右藥煉蜜雪水糊為丸。如芡實大。薄荷湯化服。

保命丹

全蝎去足十四個 防風二錢 天麻二錢 白附子炒二錢 南星泡二錢 辰砂一錢 礪蠶去絲嘴二錢

麝香五分 蟬退一錢 牛黃二分

右藥煉蜜粳米糊丸金箔爲衣鈎藤湯送下

第七編 盤腸內釣

盤腸內斲身先曲

無淚啼痕乾眼哭

口張足冷上唇烏

額畔汗珠如出浴

小兒盤腸氣痛者。腰曲乾啼。額上有汗。是小腸爲冷氣所搏耳。或生下洗遲。外被風冷致之。先以葱白煎湯。慰其臍腹良久。俟尿解於湯內。復以葱揉軟。熨其臍旁。痛卽止矣。當用木香散主治。若上唇中肉裡微有青色驚症。見此不治。

木香散

史君子肉

錢一

元胡索

錢一

茴香

錢一

木香

錢一

川棟子

七粒

將巴豆肉三十

粒同炒黃色去巴豆

右藥共爲細末清米飲調服

第八編 夜啼

啼哭遺尿驚熱侵 見燈愈泣總傳心

面青額汗從寒疝 怒叫高聲客忤因

夜啼有四。有驚熱夜啼。有寒疝夜啼。有觸邪夜啼。驚熱者。衣衾厚蓋。邪熱攻心。心神驚亂。啼哭遺尿者。是也。以鎮心丸治之。寒疝者。遇更盡則啼。腰曲額汗。眼中無淚。面帶青白。伏臥多啼者。是也。以白芍藥湯。加茱萸、茴香、水薑煎服。及鈎藤膏治之。客忤邪觸者。面青紫黑。鬱怒叫喊。若有恐懼。睡中驚惕。兩手抱母。大哭不休者。是也。用琥珀抱龍丸。鎮心丸。安神定志可也。又有心熱夜啼。見燈愈泣。面紅多淚。無燈卽止者。是也。先用五苓散。加黃芩、甘草治之。次進琥珀抱龍丸爲當。

白芍藥湯見臍風門第五

金箔鎮心丸

雄黃五分錢 全蝎十四枚 胆星一兩 茯神五錢 麝香三分 蟬退十四枚 天竺黃五錢

明天麻四錢 白附子三錢 泡去皮 牛黃三分 僵蠶十一條 防風一兩

右藥共爲細末飯爲丸辰砂金箔爲衣薄荷湯送下

鈎藤膏

乳香三錢 木香四錢 土鱉子十二枚 薑黃四錢 沒藥三錢

先將木香等三味研細然後全乳香沒藥拌勻煉蜜爲膏收磁器內量兒大小加減煎鈎藤湯送下

琥珀抱龍丸

天竺黃一兩 琥珀五錢 檀香一兩 人參五錢 山藥一兩 牛膽星一兩

白茯苓一兩 枳實一兩 枳殼一兩 辰砂二錢

右藥各爲細末新汲水和爲丸薄荷湯磨服

五苓散

白朮 茯苓 猪苓 澤瀉 肉桂

右藥用河水煎服

第九編 天癩

天癩痰涎壅塞心 不時交作目翻騰

依然吮乳能啼哭 呵欠來時瘦瘵臨

天鈞與驚風無二也。見之可怕。癩時必呵欠先至。卽手足抽掣。兩目上竄。顴面唇口肌肉皆跳。杯茶卽止。仍復無恙。哭笑臥猶昔。但甚者。日夜四五十次。此由過乳傷脾。脾土既虧。難任肝木。故無風而自動也。先服鈞籐散。祛其積熱。復以代赭扶脾湯。扶其土。鎮其木。而癩遂自定矣。

鈞籐散

鈎藤五錢 人參五錢 犀角五錢 全蝎二錢 去頭足五分 天麻二錢 炙甘草五分

右藥水煎服一次

代赭扶脾湯

人參一錢 白朮一錢 茯神一錢 代赭石一錢 醋淬五分 炙草三分 鈎藤五錢 天麻一錢

遠志肉草 一錢甘 製 瞻星一錢

加金銀物各一件水煎熱服

第十編 鵝口疳

胎中受熱積心脾 生下芽孩受此虧

滿口只如鵝口白 冰硼一掃即全除

初生小兒。白屑滿口。延於舌上。啼哭少乳。大便燥急。小便赤澁。身熱煩躁。蓋因胎中熱毒蘊蓄於心脾。發於口舌。故名曰鵝口。先用三黃散瀉去心脾之熱。即

將冰硼散吹入口中舌上可愈。倘遲延日久。沿入喉中者難治。又有重嘔一症。或在上嘔。或頰邊浮腫而起。速以綿纏長針。微露針鋒。刺腫處出血。卽安。

又有舌上生膜如榴子樣。當刺出血。以蒲黃末搽之而愈。

三黃散見胎熱門第四

冰硼散

冰片五分 硼砂五錢 元明粉五分 辰砂六分

右藥共爲細末磁器收貯聽用

第十一編 乳痲

身熱驚啼大便青

肺風停乳是根因

徧體乳痲燈一照

透肌發散霍然輕

乳癰乃天行時氣感而發之也。其症忽而身熱。啼哭咳嗽。睡多驚惕。大便泄瀉。腹必疼痛。可知其爲乳癰無疑。但一熱便發者也。其症與傳染殊異。而治法各有不同。以抱龍丸去辰砂與服。再以疏風透肌湯治之。不兩日霍然矣。

疏風透肌湯
防風 荊芥 羌活 前胡 蟬退 查肉 桔梗 甘草

加生薑葱白水煎外。加元萎酒煎。拭面頭背發透爲妙。

第十二編 急驚

急驚 睛定氣來粗 眼合唇張吐沫多

手足牽引身壯熱 行痰搐噤漸能甦

急驚症。因風熱久而不散。以致熱極生風。風火相搏。或因物觸。驚怖入心。傳於肝脾。二陽相鼓。邪正交攻。故發搐也。初則夜臥不安。睡中驚惕。忽爾壯熱生痰。

痰盛不己。兩目上視。臉赤唇紅。喉中齁齁。或眼合不開。握拳脈數者。急驚也。速與取嚏爲至要。嚏行。遂進沃雪滾痰丸。先行其痰。次以截風散定其搐。始爲至當。若無嚏。啼不作聲。髮直額汗。鼻冷遺尿。魚口氣促者。不治。

抱龍丸 見胎驚門第六

抱龍散

細辛分一半夏錢一猪牙皂錢三麝香一字荆芥分七

右藥共研細入瓶中以紙撚蘸探鼻中取嚏

備急丸

巴豆霜 大黃 乾薑

右藥各等分爲末蜜水糊丸如菉豆大每歲約三丸薄荷湯化服

截風散

天麻 白附子泡去皮 製半夏 鈎藤 茯神 膽星 殭蠶炒 石菖蒲

淨全蝎炒 黃芩

加竹瀝薑汁沉香磨汁調牛黃等同服

第十二編 慢驚

慢驚久熱病之遺 項軟鴉聲委四肢

睡則露睛時搖擻 額門腫陷百難醫

慢驚者。多成於大病之餘。又有夾食症。悞投補劑。宿食不化。以致久熱不止。此慢驚之大原也。其症初起。啼哭無聲。如醉如癡。似睡非睡。眼慢騰騰。久則半體抽掣者是矣。如大病之餘。可服六君子湯主治。如胃中停食。悞服補劑而見此症者。誠爲攻補兩難。必不可治。

六君子湯

人參 白朮 茯苓 炙草 法半夏 陳皮

加薑棗煎服

第十四編 慢脾

久因吐瀉慢脾成 脫神目陷睡揚睛

四肢厥冷無聲哭 急投參朮可回生

慢脾極易染成。其端不過吐瀉。殊不知吐瀉之患。莫可枚舉。男以瀉爲急。女以吐爲急。其症每由過食生冷。感寒傷食而致。是以有物無聲謂之吐。吐卽脫神。有聲無物謂之嘔。嘔不脫神。治非一體。有蟲在胃。有痲痘暑氣風痰而嘔者。另有別方。不可一例而推也。惟久吐久瀉。雖胃中停食。必須先醒脾而後消導。此真訣也。如四肢厥冷。顙門腫陷。目直上視。神昏氣怯。赤脈貫瞳者。必無生理。

醒脾飲

人參 白朮 茯苓 廣藿 炙草 橘紅 天麻 法半夏 乾薑
厚朴 廣木香 建蓮肉

右藥水煎徐服

香稜散消積溫胃之劑

川棟子一兩 大茴香一兩 蓬朮一兩 青皮五錢 廣木香五錢 三棱五錢 丁香一兩
枳殼一兩 麩炒

右藥共爲細砂仁湯化服

第十五編 解顛

顛解嬰兒腎氣衰

顛門不合瘦形骸

急須助腎扶元本

免使三年父母哀

解顛者。上下顛門不合。乃腎氣不足故也。人有腦髓。猶樹有根。凡得此症。不過

千日必成廢人。須用天南星微泡。焙爲末。米醋調敷於帛上。烘熱貼之。亦是良法。以調元地黃湯治之。再以三辛散封額門。甚妙。

調元地黃湯

大熟地 歸頭 人參 黃芪 白芍 懷山藥 茯苓 石菖蒲

川芎 白朮 甘草

右藥加薑棗煎服

三辛散

細辛五錢 桂心子錢 乾薑一錢

右藥共爲末。乳調塗額上。如乾再塗。面赤妙。

第十六編 耳沁

小兒耳沁人難測 三焦濕熱風相擊

哭之不已睡多驚

寄語良醫須要識

耳內痛。三焦濕熱搏擊使然。乃小兒胎風胎熱也。初起身熱。大哭不已。睡多驚悸。蓋驚多啼。痛多哭。如大便瀉青。腹中腸鳴。乃腹痛也。如無此症。卽察其耳竅。稍有微腫。乃耳痛也。其辨難明。一看不到。誤認驚症者甚多。因內有風熱。外有水灌入耳。不宜早用吹藥。當以梔子清肝湯治之。如停耳者。竟出膿水。不身熱。不腫痛。若耳沁。寒熱交作。掀腫疼痛非常。二症各異。治法亦宜各施。

梔子清肝湯

柴胡 黃芩 牛蒡子 川芎 白芍 焦山梔 石膏 丹皮

歸身 黃連 甘草

以上各等分加燈心煎服

第十七編 齒語行遲

齒遲屬腎語遲心 行若遲時不足噴

藥助眞元扶正氣 各依次第遍求尋

齒遲者。腎氣不足也。以芎藭散主治。語遲者。心氣不足也。以菖蒲丸主治。行遲者。稟受不足也。以虎骨丸主治。

芎藭散

山萸肉 當歸 生地 芎藭 甘草 白芍

右藥共爲末白湯調服

菖蒲丸

石菖蒲二錢 人參五錢 麥冬去心三錢 丹參三錢 川芎三錢 歸身三錢 遠志三錢
草汁浸

天冬去心三錢 辰砂一錢

右藥共爲末蜜丸彈子大每服一丸白湯送下

虎骨丸

虎骨炙醋 生地 棗仁 茯苓 牛膝 防風 川芎 辣桂

右藥各等分共爲細末煉蜜爲丸量兒大小熱酒送下

第十八編 弄舌舒舌

弄舌微微露卽收 得乎病後最難瘥

出長舒緩名舒舌 瀉却心脾熱便休

弄舌者。謂露而卽收。舒舌者。謂出長收緩也。由大病之後。外感風熱。入於心脾。蓋脾之脈絡繫於舌。或渴。或不渴。以瀉黃散瀉去心脾之熱。隨進錢氏白朮散治之。不然變症立至。

瀉黃散

川連 木通 山梔 大黃 石膏 連翹

右藥加燈心煎湯服

錢氏白朮散

木香 白朮 茯苓 人參 甘草 乾葛

右藥共爲細末白湯調服

第十九編 項軟

項軟卽名天柱倒

因以風熱病之餘

內服妙方兼貼項

遷延日久却難醫

項軟者。乃天柱骨倒也。此症由於吐瀉之後。亦有傷寒無汗。失表而然。以致頭如石墜。面紅唇赤。只因肝膽有熱。速爲驅風退熱。復以強筋之劑。佐以貼項。立見安和。初生下有是症者。胎氣不足也。驚風後得者。寬緩不收也。凡胎風并病後軟。均服錢氏地黃丸補腎。若卒暴而得此。肝經有熱。瀉肝丸治之。用附子南

星末。生薑自然汁。調貼於項上。可也。

地黃丸

地黃錢四 山萸肉去核錢四 山藥錢四 丹皮錢三 白茯苓錢三 澤瀉錢三

右藥共爲末。蜜丸。白湯下。鶴膝行遲。加鹿茸。牛膝。五茄皮。

瀉肝丸 一名瀉青丸

當歸 龍膽草 川芎 羌活 防風 大黃煨 梔子仁

右藥各等分。爲末。煉蜜爲丸。如芡實。大殊砂。竹葉湯化服。

第二十編 五軟五硬

頭項手足肌肉口 稟受元陽素有虧

或被客風侵正氣 致令五硬莫醫遲

五軟者。頭項手足肌軟是也。無故頭不舉。腎疝之病。項軟難收。治雖暫瘥。他年

必再發。手軟則手垂。四肢無力。亦懶擡肩。若得聲圓。還進飲食。此慢脾風候。尙堪療治。肌肉軟。則肉少皮寬。自雖食不作肌。服錢氏橘連丸。急使瀉利。頻併却難醫治。足軟者。五歲兒不能行。虛羸足軟細小。不妨榮衛。服參芪等藥。併服地黃丸。大自然充滿。又有口軟。則虛舌出口。陽盛更須隄防。若唇青氣喘難治。五硬。則仰頭取氣。難以動搖。氣壅疼痛連胸膈間。手心冰冷而硬。此爲風症難治。肚入筋青。急而不寬。用去積之劑。積氣消卽安。若面青心腹硬者。此症難治。如風症。只依中風治之。必有回生之理。加減小續命湯治之。羌活散亦可。

橘連丸

陳皮一兩黃連一兩

右藥共爲末入麝香五分用猪膽七枚分藥入膽內漿水煮熟以針刺破取出米粥糊丸如菉豆大每服三十九丸米飲下

地黃丸 見項欽門第十九

小續命湯

麻黃

一兩五錢 去節

人參

一兩五錢

川芎

一兩五錢

黃芩

一兩五錢

防己

白芍

炙甘草

杏仁

去皮 尖

官桂

各一兩五錢

防風

八錢

附子

七錢五分 去皮 尖

以上除附子杏仁並搗爲粗末次入二味夾和每一錢薑棗煎服有熱去附

子官桂減半

羌活散

羌活

獨活

前胡

柴胡

川芎

茯苓

枳殼

玉桔梗

地骨皮

人參

天麻

炙甘草

右藥加生薑煎服

第二十一編 傷風

身熱驚啼鼻吸遲 常兼呵欠睡無時

涕流清水頻加嗽 表散疏風却正宜

傷風者感冒之症也。或更衣洗浴。或傳染而得。忽生身熱。睡多驚叫。呵欠咳嗽。鼻流清涕。有汗爲傷風。身熱頭疼。無汗無嚏。爲傷寒。夫傷風夜多啼哭。因吮乳塞鼻。不通故也。先宜抱龍丸開其肺竅。化痰清熱。復以豁痰疏風散治之。

辰砂抱龍丸見胎驚門第六

疏風散

前胡 桑皮 陳皮 法半夏 枯苓 玉桔梗 甘草 款冬花

枳殼 蘇子

右藥加薑煎服防風荆芥薄荷杏仁均可加入

第二十二編 咳嗽

咳嗽生痰風入肺

甚多見血久成癆

要分寒熱并虛實

清肺疏風痰即消

咳嗽者以風邪入於肺部也。久而不愈則成癆瘵。治者先審其寒熱虛實。用藥無不效矣。寒者嗽而多痰。以麻黃湯發散寒邪爲主。熱者聲音擁滯。以清肺飲治之。虛者久嗽而無痰。補肺飲治之。實者喘急壯盛。瀉白散治之。

麻黃湯

柴胡 麻黃 蘇葉 甘草 桔梗 枳殼 橘紅 防風 蘇子

熟半夏

加薑三片水煎服

清肺飲

前胡 桑皮 枯芩 杏仁 橘紅 百部 川貝 款冬花 桔梗

生甘草 蘇子 枳殼

加燈心一撮水煎服

補肺飲

阿膠 茯苓 五味子 麥冬 杏仁 馬兜鈴 甘草 糯米

右藥加薑一片水煎服

瀉白散

桑白皮 地骨皮 炙草

加糯米同煎服

第二十三編 肺風痰喘

肺受風寒拽鋸聲 小兒感冒食相因

滾痰定喘隨時愈 切勿狐疑變急驚

小兒感冒風寒。入於肺經。遂發痰喘。喉間齁齁。咳嗽不得舒暢。喘急不止。面青潮熱。啼哭驚亂。若不早治。則驚風立止矣。惟月內芽兒犯此。卽肺風痰喘。搐鼻不嚏者不治。不哭不乳者不治。當先以礞石滾痰丸下之。痰從大便而出。次服定喘湯。無不奏效。此症先感而復感成之。所以行痰推積之法。悉獲奇功。若誤作傷風嗽治。挨延日期。必變驚風。屈指甚多。可不慎歟。

先賢治法用麻黃湯表散取汗。以沃雪導痰行積治之甚良。莫若巴霜行痰立效之功。但芽兒用之。不無驚搐之狀。惟週歲以外者。用之甚妙。

沃雪滾痰丸

明天麻一兩 煨 天竺黃五錢 雄黃三錢 礞石五錢 膽星一兩 巴霜四錢 白附子六錢
生甘草三錢 去皮 全蝎五錢 去毒 防風三錢 麝香二分

右藥共爲末。用竹瀝一鐘。拌和再研極細。入磁餅內。陳年許。量情而用。

定喘湯

款冬花 熟半夏 枯芩 蘇子 桑白皮 甘草 麻黃冬用根節秋根夏

多本少

加炒白朮肉去皮心數枚河水煎服此方忌生薑引

羌活湯

麻黃 羌活 半夏 前胡 枳實 橘紅 桔梗 桑白皮 蘇葉

甘草

右藥加生薑葱白煎服

第二十四編 喘急

風寒暑濕邪干肺 作熱生痰喘急頻

治法還須分冷熱 清金化喘自然平

人之五臟。皆有上氣。而肺爲之總。經云。諸氣皆屬於肺。或爲風寒暑濕邪氣相干。則肺氣脹滿。發爲肺喘。呼吸坐臥不安。如熱者。以清肺飲主之。因寒而得者。以定喘湯治之。或用抱龍丸磨服亦可。

清肺飲見咳嗽門二十二

定喘湯見肺風門二十三

第二十五編 天哮

久嗽天哮無症名

嗽起連連數百聲

憑他總有神仙手

不會元機焉得輕

肺者屬西方庚辛金也。上爲諸臟之華蓋。下爲膀胱之導引。所以朝百脈。主人一身之毫毛。司氣之筦鑰也。故傷風有傳肺之端。而咳嗽獨難愈。夫天哮者。上古之書。從無定見方。今治法亦屬混淆。其故何也。蓋因時行傳染。極難奏效。其

症嗽起連連。而嘔吐涎沫。涕淚交流。眼胞浮腫。吐乳鼻血。嘔衄睛紅。治法降火清金。消痰驅風。以啓雲抱龍丸主之。若延久。便當保肺清金。以欸冬花膏斂不足之金。此大略也。但已成天哮者。先服發散表邪之劑。次進啓雲抱龍丸。若嗽而見血者。熟靈脂、柏子仁、胡桃肉共爲末。茅根湯調服。若見血面青。飲水無度。吐膿腥臭。喉痺失聲。驚癇皆至者。俱爲不治。

啓雲抱龍丸

膽星一兩 防風一兩 花粉一兩 薄荷一兩 殭蠶五錢 白附子五錢 雄黃三錢 辰砂二錢

右藥煉爲丸。露水竹瀝磨服。

欸冬花丸

欸冬花 桑白皮 烏梅肉 茯苓 杏仁 紫苑 川貝母 五味子

百合 阿膠 百部

右藥各等分共爲細末蜜丸芡實大竹瀝磨服

第二十六編 鼻風

鼻風吹入小兒顙

閉塞難舒氣弗勻

血熱妄行成鼻衄

地黄湯服素稱神

小兒生下三朝五日。忽然鼻塞弗乳。不能開口呼吸。此乃保母鼻風吹入小兒顙門。宜消風散治之。如血熱妄行鼻衄者。以加味地黄湯服之。

消風丸

防風 荆芥 羌活 蟬退 川芎 藿香 陳皮 甘草 桔梗

殭蠶

右藥共爲末煉蜜爲丸如龍眼核大茶調服

加味地黄湯

熟地 山藥 萸肉 丹皮 澤瀉 茯苓 歸身 淡黃芩 黑山梔
右藥加藕節燈心煎服

第二十七編 胎怯

人生不足在先天 作熱時常煩苦煎

短命夭殤胎怯致 參苓填補莫遲延

人稟天地陰陽之氣而得生。均賴父母精血以成形。在胎先天氣足。生下肌肉肥堅。遍身紅活。黑睛多而白睛少。謂之胎實。生下面無精彩。身無血色。目無神氣。肌瘦而白睛多。謂之胎怯。若不急於調補。久後終成廢人。宜投十全大補湯。固其本原。白睛漸黑。先天足而易長也。

十全大補湯

人參 白朮 茯苓 甘草 川芎 當歸 白芍 大生地 黃芪

厚肉桂

右藥加桂圓幾十枚水煎服

第二十八編 滯頤

滯頤之症口流涎

脾寒胃冷出如泉

錯將疳症持疑惑

試看口中穿不穿

小兒滯頤。流涎出於頤間也。此由脾冷。脾之液爲涎。脾胃虛冷。不能收制其精。然此症與口疳相似。當明辨之。其治法各有不同。疳宜清涼。滯頤宜溫。如牙根舌腭有穿破白泡。當從疳治。否卽滯頤也。須投溫脾丹。溫胃散服之。

溫脾丹

半夏麴兩一 丁香兩一 木香兩一 乾薑錢五 白朮錢五 青皮錢五 陳皮錢五

右藥共爲細末米糊丸如菉豆大每服數丸米湯送下

溫胃散

人參 白朮 乾薑 甘草 肉果 半夏各五錢 丁香

右藥共爲末生薑湯調服

第二十九編 潮熱

日晡微熱四更除 上午身涼倦怠餘

細看虛實如何症 莫作尋常一例拘

潮熱者。將成之症。骨蒸者。已成之症。如潮汐依時而來也。或似瘧而兩日一熱。或三日一熱。或每日至期而熱者。乃實邪不散之故。並用加味小柴胡湯。以除其往來寒熱。凡小兒有餘之症多。不足之症少。何也。兒乃純陽之體。非風邪未散。卽乳食未消。風則散之。食則消之。而熱自除矣。若大病之後。日晡作熱。子午卽涼者。乃虛熱也。須服加減地黃湯。久而不治。變症百出矣。

加味小柴胡湯

柴胡 黃芩 甘草 青蒿 丹皮 法半夏

右藥加薑棗煎服

加減地黃湯

人參 白朮 熟地 白芍 肉桂 杜仲 牛膝 炙鱉甲 丹皮
黃肉

右藥加龍眼肉煎服

第三十編 痰症

風邪入肺痰爲累 氣組切忌身發熱

若非吐利便成驚 化喘行痰功最捷

痰症。乃感冒風邪不散。傳於肺胃。熱則生痰。小兒年壯者。嗽則痰出。但肺竅狹

窄。刀弱氣微。嚥之不下。吐之不出。喉中聲如拽鋸。迷悶頓久。則成驚症。喘者爲肺氣。不喘爲痰症。然治痰非吐利不能已也。嬰孩幼小。不堪使吐。宜下之爲當。須抱龍丸。薑汁竹瀝磨服。或沉香牛黃之類皆可。甚則用沃雪滾痰丸下之。

抱龍丸見胎驚門第六

沃雪滾痰丸見肺風門第二十三

第二十一編 吐瀉

吐利相兼邪有餘 延綿日久致脾虛

須分冷熱邪虛實 旁流勿作瀉來醫

小兒吐瀉。有傷風食而得之。有干寒暑而得之。風者身發寒熱。胃中無食。而嘔吐痰沫。或瀉青而起沫者。疏風兼分理之劑治之。食者面色痿黃。吐酸瀉臭。腹中响硬。此雖爲瀉。實旁流也。急以香稜散消之。不宜妄用止劑。更有感寒食而

吐瀉者。面色眇白。睡則露睛。雖胃中停食。先以醒脾丸固其真元。俟吐瀉止。而積漸消。必當忌乳爲要。頻乳則頻吐。恐久則成慢脾耳。男以瀉爲急。女以吐爲急。亦有中暑。吐少出多。瀉則洞泄。心煩作渴。唇乾小便赤澁者。以黃連香薷飲。并五苓散主之。

香稜散見慢脾門第十四

醒脾飲見慢脾門第十四

五苓散見夜啼門第八

疏風分理散

防風 荆芥 柴胡 蘇葉 陳皮 甘草 車前 蒼朮 厚朴

木通 木香

右藥加生薑水煎熱服

黃連香薷飲

香薷 藿香 厚朴 藊豆 黃連 白朮 茯苓 猪苓 木通

甘草

右藥加燈心河水煎服

第三十二編 疝氣

疝氣從何得病成 邪風客腎少陰經

或時囊腫兼偏墜 治法溫經逐冷行

疝氣之病。以少陰經感風邪寒濕而成也。治以小茴香湯主之。有卵翼偏墜者。以五苓散加防風丹皮治之。外以茱萸湯煎而薰之。汗出便安矣。

小茴香湯

川楝子 黑豆 桃仁 青皮 小茴香 粉丹皮 木通

右藥加葱白淡薑煎服

茱萸湯

吳茱萸

三錢

川椒

三錢

甘草

二錢

蒼朮

五錢

橘核

五錢

大茴香

五錢

右藥加河水煎數沸入罐內薰洗出汗連浴四五次即愈

第二十二編 盜汗自汗

小兒盜汗屬陰虛

自汗還從氣不舒

一劑六黃湯可治

倍芪自汗亦無餘

小兒盜汗自汗。古云不須治。然久而不治。汗而不休。則成他病。治法以當歸六黃湯主之。自汗者以麥煎湯止之。

當歸六黃湯

當歸 川連 黃柏 黃芪 生地 黃芩 熟地

右藥加浮小麥煎服

麥煎湯

黃芪 白朮 牡蠣 麻黃節

右藥加炒浮小麥煎服

第二十四編 五淋

淋症原來有五般 寒熱氣血食相兼

膀胱受熱因成病 小便須通治法全

淋病有五。熱淋冷淋血淋氣淋食淋是也。名雖不同。小兒得之。不過腎熱流於膀胱。故令水道不利。小便赤少而數。小腹急痛引臍。當以八正散治之。又有熱甚出血。導赤散治之。

八正散

滑石 大黃 木通 篇蓄 車前子 黑山梔 瞿麥 甘草
右藥加燈心水煎服

導赤散

生地 木通 黃芩 甘草 竹葉 赤苓 麥冬

右藥水煎熱服

第二十五編 溺血

鮮血惟從小便來 人人見了卓然呆

升麻煎汁調六一 三服全除可壯懷

溺血者。小便中鮮血來之不絕也。此乃心火鬱熱下流。心與小腸爲受盛之官。則小便出焉。痛者爲血淋。不痛者爲溺血。治法不可用大涼之劑。如升提酒炒辛溫者奏効。痛者加味四物湯主之。不痛者以升麻甘草煎湯調益元散服之。

卽止。

加味四物湯

川芎 當歸 生地 白芍 黑山梔 牛膝

右藥水煎熱服

益元散

嫩滑石水飛六兩 大甘草去皮一兩

右藥加辰砂許共爲末升麻湯調下

第二十六編 傷寒

傷寒頭痛身無汗 壯熱渾身粗氣多

口燥鼻乾煩渴甚 攻寒發表自調和

小兒傷寒者感冒所致。發於春夏秋者爲外感。而嚴寒冬末春初者爲傷寒。經

曰。冬時最寒。萬物潛藏。君子固密不傷。於寒觸冒之者。乃爲傷寒耳。凡小兒患者。感之卽發。初壯熱頭疼。惡寒無汗。鼻乾氣粗。眼眶肢節。皆痛者是已。三日前表其汗卽愈。大便閉者下之。汗下之後。仍熱不退。以小柴胡湯疏之。如神氣昏憤。尋衣撮空。取嚏無聲者。不治。

麻黃發表湯

麻黃 柴胡 乾葛 防風 羌活 蘇葉 甘草 淡豆豉

加葱白七枚煎服

大承氣湯

大黃五錢 朴硝五分 厚朴一錢 枳實一錢
薑炒

右藥加生薑煎服

小柴胡湯

柴胡 黃芩 法夏 甘草

右藥加薑棗煎服

第二十七編 夾食夾驚

夾食者。或先傷寒而後傷食。或先傷食而後傷寒。以致增寒壯熱。頭痛惡寒。鼻乾。口燥。上熱下冷。心腹滿悶。以指按之則痛。彈之則响。或大便酸臭。或秘結不行。或嘔吐氣逆。先宜表散消導之劑。甚者用備急丸。下其宿食可安。如不審虛實。輒以和解消釋。久熱不退。變爲慢驚不治。夾驚者。因驚而又感風邪。熱極生風。故發搐也。宜服抱龍丸。鎮心豁痰。發散通竅。然此二端。乃變瘧之由也。

備急丸 見急驚門第十二

抱龍丸 見胎驚門第六

金針治夾驚夾食方

柴胡 蘇葉 厚朴 查肉 半夏 麥芽 羌活 草果 枳實
廣皮

右藥加生薑砂仁爲引

第二十八編 汗粟

寒邪無汗熱如湯

須防班伏最難當

渾身若發芝蔴泡

汗粟逢之切莫慌

汗粟者。乃寒邪表散。無汗而發也。但傷寒無汗。壯熱脈大。便閉譫語。煩躁嘔吐。腹痛胸膈不利。防其班伏。不宜遽投寒餌。如竟熱不退。無前諸症。必發汗粟。形如芝蔴。細細白泡。似乎痞瘡。痒痛全無。惟胸腹脛內居多。此逢凶化吉之兆。服加減柴胡湯。清其熱而自愈。

加減柴胡湯

柴胡 黃芩 連翹 大力子 桔梗 黑山梔 乾葛 荊芥

木通 甘草

右藥加燈心爲引

第二十九編 傷食

小兒之病多因食 肚內難消寒熱逼

面黃神倦腹膨高 牛黃急進眞神術

大人之病其名不一。小兒之症。非感風寒。卽傷乳食。所賴父母維持。風寒難入。飲食節制。不傷於胃。若胃氣一傷。穀食不能運化。是卽爲患耳。犯之者。面色痿黃。日晡潮熱。噯氣吞酸。腹中作痛。或膨或脹。按之則硬。彈之則响。其症是矣。急以牛黃散一服。使大便秘行。而痛脹止矣。如胃中停食。兼有泄瀉。此旁流也。切不可用止藥。但當消導順氣。外以紫蘇湯淨慰其腹。此良法也。甚則以備急丸下。

之。

牛黃散

黑丑 錦紋大黃

右藥共爲末蜜湯調下量兒大小服如畏藥者以蜜拌之

備急丸見急驚門第十二

第四十編 傷積

傷積多因乳不調

過飡飲食熱來潮

足冷肚熱餒酸瀉

化積消脾勻氣高

小兒積症多因乳哺失調。過飡生冷。油膩硬物。脾土受傷。停於中脘。或爲風寒所感。或夜臥失蓋。以致積氣停留。面黃腹脹。往來潮熱。口渴神倦。多睡少食。肚熱脚冷。大便酸臭。小便短澀者。傷積也。然有乳積。食積。氣積。驚積。須分別之。吐

乳洩瀉酸臭。此由啼哭不已。氣息未定。卽與乳。致停滯不化。而成乳積也。肚硬帶熱。按之則痛。渴瀉或嘔。此由多食過飽。飽後卽睡。故成食積。腹痛啼叫。利如蟹渤。此由觸忤其氣。營衛不和。日久而成氣積。瀉多清水。色如草汁。亦非冷瀉。乃受驚而得。故成驚積。然虛者。昏昧神倦。抱起如睡。實者。壯熱糞閉。煩渴滋煎。當究其源。先宜消導。均以香稜散。五疳消積散。甚則用白餅子。去其積滯。再以助脾和胃之劑調理之。參苓白朮散是也。

香稜散見慢脾門第十四

五疳消積散

三棱一斤 莪朮一斤 神麩四兩 麥芽四兩 川棟子二兩 焦查肉四兩 青皮四兩 葡萄子四兩
檳榔二兩 黑丑二兩 陳皮一斤

右藥共爲末。砂仁湯調服。

白餅子

滑石錢一 南星錢一 半夏錢一 巴豆二十四粒去皮膜河水煮乾研細如泥 輕粉五分

右藥先將前三味爲末入巴霜次入輕粉共研勻糯米飲爲丸如菉豆大量
兒虛實忌食熱物

參苓白朮散

人參 白朮 茯苓 炙草 山藥 扁豆 米仁 木香 砂仁
桔梗

右藥加建蓮肉大棗煎服

第四十一編 食厥

忽然目反似乎驚 搐之不已面唇青

腹中脹滿爲食厥 速下尤防變瘡形

小兒身無寒熱。頃刻兩目上視。手足抽掣。牙關緊急。不省人事。如驚之狀。見之可怕。不知者竟將驚症混治。殊不知與驚無干。凡見斯候。不必着慌。當先診脈。息察其根由。觀其動靜。辨其吉凶。細細彈其腹。如胸腹脹滿。响如鼓聲者。食厥也。先用搐鼻散取嚏。噫後自然神清氣爽。再究其所食何物。必於二三日。前傷者是矣。方可進備急丸。每歲用三丸。先行其痰食。去其宿垢。次服清脾飲消導之。愈後常防變瘧。若腹中無食。搐鼻不嚏。舌黑面青。脈沉者不治。如竟厥無食。少頃自愈者。此癘症也。當從癘治。毋得一例推治。

備急丸見急驚門第十二

搐鼻散見急驚門第十二

清脾飲

蒼朮 厚朴 陳皮 法半夏 甘草 白雲苓 柴胡 黃芩

桑葉 青皮 枳殼

加薑棗煎服。食重者加草果。如瘧疾內有瘧母者加香附。

第四十二編 腹痛

孩提腹痛有三種 冷熱交攻或有蟲

清熱溫中兼化積 安蟲各屬不雷同

腹痛之症。邪正交攻。與臟氣相擊而作也。有挾熱痛者。面赤壯熱。四肢煩。手心熱。以木香散治之。有挾冷痛者。面色黯黑。唇爪微青。以理中湯治之。務宜斟酌調用。有蟲痛者。面色青白。人中點點黑色。口吐清水。清沫而嘔。以使君子湯治之。

木香正氣散

木香 查肉 白芍 枳實 白朮 黃連 蘇葉

右藥水煎熱服

理中湯 兄胎寒門第二

史君子湯

枳榔 川連 木香 苦楝根皮 史君子 枳殼 蕪荑

右藥加薑煎服

第四十二編 顛陷顛填

顛門腫陷眞惡候 用藥無非僥倖圖

總有丹丸堪療治 世間能有幾扁陀

小兒顛門腫陷。因病而得之者爲絕症。無恙而先腫先陷者。爲陷填也。陷者因臟腑有熱。渴飲水漿。致成洩瀉。久則血虛氣弱。不能上充腦髓。故成坑陷。不能平滿。用狗頭骨炙黃爲末。雞子清調敷。顛腫者。脾主肌肉。乳哺不調。饑飽無度。

或寒或熱。乘於脾家。故臟腑不調。其氣上衝。爲之填脹。顙突而高。毛髮短黃。而自汗。用大連翹飲消之。有表熱症。柴胡散主之。又以三辛散封之。血氣虛弱。不能充腦髓。服地黃丸。大凡犯此二症者。咸屬不治。

大連翹飲見胎熱門第四

柴胡散

柴胡 黃芩 炙甘草 京赤芍 石膏 麻黃去節 葛根

右藥加葱薑煎服

三辛散見解顙門第十五

地黃丸見項軟門第十九

第四十四編 風癩

大病之餘忽變驚

涎潮抽掣露眞形

輪指計數風癇見 急進牛黃死可生

風癇者發則與驚風相似。因大病之後。汗出解脫。風邪乘虛迷悶。以致驚搐涎潮。目直上視。惟手指如計數者是也。以牛黃散治之。如遲危在旦夕也。

牛黃散

陳膽星二錢五分 蟬蛻二錢五分 防風一錢五分 白附子生用一錢五分 僵蠶去頭足淨炒一錢五分

全蝎去頭翅淨炙二錢五分 天麻一錢五分 麝香一分五厘 西黃一分五厘

右藥共為細末薑汁調服

第四十五編 驚悸

俄然惕跳為驚悸 治法難從驚症醫

稟受先天心血少 清心溫膽定神宜

驚者恐怖之謂。悸者惕跳之謂。或睡與不睡之間。偶爾閃跳。謂之悸也。乃先天

心血不足之故。俗醫不辨其源。咸稱驚症。妄用鎮心丸。焉能取效。須用溫膽湯。清心養血。安神定志。心血既充。而悸自除矣。

溫膽湯

橘紅 熟半夏 枳實 白雲苓 甘草

右藥加竹茹一團及薑棗同煎

養血清心湯

人參 白朮 雲苓 甘草 麥冬 棗仁 熟地 歸身 遠志肉

柏子仁

右藥加桂圓肉煎服

如大病後睡中閃跳甚者加石菖蒲豬心血

第四十六編 五癩

癩分五種一根因

痰迷心竅各聲臻

瘥後應知還復作 莫教病久患終身

癇者因驚而作。驚則神出舍。舍空而痰聚矣。痰氣入舍。神不能歸。發則頭旋顛倒。手足搖擲。口眼相引。胸背強直。叫吼吐沫。食頃乃蘇。謂之癇也。其症有五。馬癇聲如馬鳴。張口搖頭。牛癇目直視而腹脹。雞癇搖頭。又折喜驚。羊癇揚目吐舌。猪癇喜吐沫。初起時未發聲者輕。速進祛風追痰丸治之。若已發聲者重。須服八寶丹。如三年之久者難治。患此者。雖不至喪命。然亦屬終身之病。

祛風追痰丸

防風五錢 白附子五錢 枯礬五錢 天麻五錢 淨全蝎二錢五分 木香二錢五分

南星一兩五錢 水各浸 明礬一錢 水一宿 半夏三兩 牙皂一兩 水一宿 薑汁 猪牙皂五錢

殭蠶淨炒去絲 五錢

右藥共為末。薑汁糊丸。辰砂為衣。每丸臥時薄荷湯化服。

八寶丹

狗寶

三錢如無九節菖蒲代之

鯉魚膽

九枚如無犀角可代

全蠍

一錢五分去毒炙

牛黃

一錢五分

虎睛

一對一錢

琥珀

五錢分

珍珠

五錢分

沉香

一兩鎊細末

共爲細末蜜丸量兒大小以辰砂爲衣薄荷湯化服

第四十七編 丹疹

腹痛嘔吐非傷食

肌膚赤似浮雲突

發之多癢生麻木

七日身涼齊伏沒

丹疹多屬於脾。雖非僅飲食所傷。而皆由食起也。必內傷乳食。外感六淫。六淫者。風爲四時肅殺之氣。寒爲節候不調。或食生冷之物。暑爲燥火流金。濕熱薰蒸所致。濕爲坐臥卑濕之地。潮氣所侵。燥爲胎生內熱。消鑠津液。枯槁皮膚。火爲先天稟受。或重衣疊褥之故。然此症獨中於風濕二端。須透肌發散之。又發

痒而麻。七日始已。

金鍼治丹疹方

防風 荆芥 山查 蘇葉 木通 蒼朮 羌活 牛蒡子 黑山梔

甘草

右藥加燈心煎服

第四十八編 水腫

水腫原分陰與陽

陰寒陽熱氣風兼

皮間赤縷因名血

利水清金總要先

腫之症。其名雖衆。不過中州之土。虛不能勝水。於是腎水泛濫。四肢因而浮腫。以分氣飲主之。隨佐以五皮飲。加實脾土之劑必安。若卒然頭面腫者。當以風治。不關此論。如先四肢而後歸於腹。大便滑泄。陰囊無縫。男從脚上腫起。女從

身上腫來。缺盆平。臍突。肉硬。唇黑。及渴不休者。均屬不治之症也。

分氣飲

桔梗 雲苓 陳皮 桑皮 枳殼 草果 蘇子 木瓜 木通

木香 大腹皮 法半夏

右藥加薑棗燈心煎服小便不利加豬苓澤瀉腹瀉加肉果胸膈不寬加砂仁

五皮飲

陳皮 桑皮 生薑皮 大腹皮 茯苓皮 白朮 白槿榔

右藥加椒目錢許水煎服

第四十九編 嘔吐

嘔吐或因太過飽 風寒頓嗽痘癩蟲

有物無聲名爲嘔 有聲無物慮慢風

有聲無物謂之嘔。有物無聲謂之吐。聲物俱有。謂之嘔吐。然飲食過飽。必眼浮面黃。足冷肚熱。惡食吞酸。併出宿食。理當消導。香橘餅消積散主之。傷乳食者。自口角流出。名覘乳。是乳多不能消化。滿而溢。非病也。傷風嗽吐者。痰氣滯於胸中。肺氣不順。連嗽不止而吐也。宜香棗散。二陳湯主之。如傷於冷者。面色慘白。吐清涎而夾乳片。以理中湯。香稜散止之。如面色慘白無神。睡則目睛露白。急以醒脾飲。扶脾爲主。不爾慢脾立至。如身熱鼻流清涕。飲食少思。咳嗽而吐者。發痧候。然亦有痘疹時行。非蟲非食。無故卒吐者。發痘也。若時常惡心。嘔清水及虻蟲。胃中作痛。得食卽止。蟲也。服追蟲散。故嘔吐不可不察。嘔者難成。慢脾吐者極易染患。書云。男以瀉爲急。女以吐爲急。此至言也。

消積散見傷積門第四十

醒脾飲見慢脾門第十四

香稜散見慢脾門第十四

理中湯見胎寒門第二

香橘餅

木香五錢 青皮二兩 厚朴二兩 三稜二兩 廣皮三兩 麥芽一兩 砂仁一兩 神麩三兩
炒

右藥共爲末蜜水糊作餅子砂仁湯磨服

香蘇散

香附 蘇葉 陳皮 甘草 柴胡 桂枝 防風 羌活

右藥加生薑三片水煎熱服

二陳湯

陳皮 半夏 茯苓 甘草

右藥加生薑一片水煎熱服

追蟲散

苦楝根皮兩四 川楝子兩一 檳榔兩一 黑丑兩二 史君子肉錢四 蓬朮錢六 牙皂錢三

秦艽錢六 三稜錢六 蕪荑錢三

右藥共爲細末砂仁湯調服

第五十編 脾胃

脾胃中州貴得和 一身元氣藉匡扶

虛虛實實皆因損 助胃參苓是正途

脾乃中州之土。一身之主也。胃爲水穀之海。六腑之源也。人生氣血臟腑。俱由胃氣而生。故東垣一以胃氣爲主。而養生之法。必先固其脾元。所謂補腎不若補脾是也。然小兒雖得乳食。水穀之氣未全。所恃者胃氣耳。胃氣一虛。則四臟

咸失其養。安有不病者乎。但得脾胃和暢。自然溫蒸水穀。則諸病何由而染也。小兒休冷生。冷平調臟腑。是良法矣。如胃氣虛弱者。宜常服助胃膏。八僊膏扶之。

助胃膏

廣皮一兩 白朮四兩 茯苓二兩 炙草五錢 查肉三兩 米仁二兩 建蓮去心一兩 山藥炒一兩

菡豆一兩 砂仁二兩 木香五錢 大棗五十枚

右藥用通潮水三十碗煎三次成膏煉蜜同收貯磁器內每服人參湯化下

八僊膏

人參 山藥 茯苓 芡實 蓮肉各三兩

右藥共爲細末將上白糯米一升五合粳米三升五合爲細粉將前藥末和勻用白蜜半斤白糖霜一斤四兩隔湯燉開以粉藥拏扭成塊鋪籠內蒸熟

候冷切片炭火烘脆密藏瓶內不時服之有培養脾胃之功老少男婦元氣不足者服之不特療飢而且輕身耐老

幼科金鍼卷下

雲間秦昌遇景明輯

金山吳中俊果超校

第五十一編 心疳

咬牙舒舌口生瘡

渴飲身軀瘦莫當

骨熱愛眠陰冷地

心經疳火療無方

疳有五種。世俗渾稱爲疳積。殊不知發於五臟而各異也。手心足底。熱如火熾。面赤唇紅。鼻乾口渴。骨蒸肌削。髮直毛焦者。心疳也。此因驚不散。往來潮熱。積而成疳。宜先服茯苓丸。鎮驚清熱。卽進蘆薈肥兒丸。除其骨蒸。自然平愈。若使延綿日久。致成疳火。而難療矣。

茯苓丸

赤茯苓三錢 琥珀三錢 川連三錢 茯苓三錢 遠志薑汁甘草一錢 鈎藤鈎一錢 蘆薈三錢

麝香五分 蝦蟆炭一錢 石菖蒲一錢

右藥共爲細末爲丸

蘆薈肥兒丸

白朮一兩 炒 茯苓一兩 史君子淨肉五錢 神麩五錢 檳榔五錢 肉蓯麩煨去油五錢

胡黃連三錢 木香五錢 川連三錢 麥芽三錢 蕪荑三錢 秦艽一兩 銀柴胡一兩

地骨皮一兩

右藥共爲末煉蜜爲丸如芡實大每用一丸燈心湯磨服如隨常用不必加

蘆薈胃弱者加人參三錢

第五十二編 肝疳

肝疳之症面色青

體瘦如同鶴膝形

日間兩目似無恙

晚來有翳忽遮睛

小兒肝疳。因胃風未散。久而爲患。初起時。增寒作熱。熱久覆臥。滋煎。肢體瘦羸。髮穗毛焦。睛有白膜紅絲。晚來不見。俗呼爲雞宿眼是也。若不早治。則成瞽目。急以五疳散服之。再以復明散間服。甚者以天麻丸投之亦妙。

五疳消積散見傷積門第四十

復明散

天麻一兩 胡黃連六錢

夜明砂一兩

蘆薈三錢

銀柴胡一錢

木賊一兩

青黛一兩

蟬退一兩

草決明一兩

五靈脂一兩

炒龍膽草一兩

蔓荊子四錢

穀精花三錢

右藥共爲末。用不入水雞肝連膽。一并搗爛。入酒釀少許。包於麻布內。瀘去。

渣滓將前藥調和。每服一錢。

天麻丸

青黛一錢黃連一錢

天麻一錢

五靈脂一錢

夜明砂一錢

川芎一錢

蘆薈一錢

龍膽草五分

防風五分

蟬退一分

麝香五分

乾蟾頭二箇

全蝎二枚

右藥共爲末猪膽汁丸麻子大每服三十丸薄荷湯化下

第五十三編 脾疳

脾疳俗語稱河白

生冷肥甘傷乳食

喫泥貪睡不生肌

腹膨頓洩非宜澁

脾疳乃過食生冷濕熱肥甘所傷以致洩瀉積久成疳而患此者必飲食無度不生肌肉頭肚大而脛脚細頓瀉腥臭色如腐漿腹中脹滿瀉出稍安少頃復舊此爲脾疳雖係疲瘠不宜以補劑驟止之古云有積當與漸消也俗呼爲河白初起以老嫗挑指亦效須服五疳消積散香稜散消去其積復以健脾丸調養其根元始可矣

五疳消積散見傷積門第四十

香稜散見慢脾門第十四

健脾丸

白朮一兩
土炒 茯苓一兩 人參三錢 木香三錢 神麩五錢 山藥五錢 米仁五錢 扁豆五錢

查肉一兩 廣皮五錢

右藥共爲末黃米湯冲服

第五十四編 肺疳

肺經疳積時多嗽 胸高腹大痰涎臭

口鼻生瘡氣逆粗 延及疳癆終不救

肺疳先傷於風。次傷於食。未經表散。二邪爲患。積熱停於胃上。薰灼肺金。則咳嗽潮熱。飲食不減。形體瘦弱。胸高腹大。口鼻生瘡。急進清肺飲。蘆薈肥兒丸。方

能取效。若染成癆。則不能治矣。

清肺飲見咳嗽門第二十二

蘆薈肥兒丸見心疳門第五十一

第五十五編 腎疳

腎疳身瘦多瘡疥

腐爛牙根見血流

氣奔上焦因齒脫

得名走馬腎經由

腎疳乃骨蒸潮熱所致。小兒腹熱如火。四肢如冰。形體遙削。遍身瘡疥。時常泄瀉。或吐逆積熱。奔湧上焦。牙齦腐爛。流涎臭穢。以致齒落。是名走馬疳。屬在腎經。此症最爲險重。必當內服蘆薈消疳飲。外以人中白散搽之。如穿腮破唇者不治。

蘆薈消疳飲

柴胡 蘆薈 牛蒡子 胡黃連 川黃連 桔梗 連翹 山梔

山甘草 羚羊角 薄荷葉 元參

右藥加淡竹葉十片水煎服

人中白散

人中白一兩煨 兒茶五錢 柏末三錢 薄荷五錢 月石五錢 青黛五錢 川黃連二錢 枯礬五分

冰片四錢

右藥共爲細末密貯磁瓶用時先將鹽梅湯或金汁攪口次入藥取涎流出其毒自解如涎嚥入腹中大便必瀉其毒愈熾矣

如甚者加牛黃珍珠辰砂龍骨五倍子等

第五十六編 丁奚哺露

瘡蒸日久曰丁奚 手足如柴髮漸稀

日閉差明純下痢 古今課定不須醫

疳至經久不愈爲丁奚。其症起於疳蒸。朝涼暮熱。骨瘦伶仃。脾氣虛弱。飲食不能運化。以致腹膨臍突。面色痿黃。吐蟲瀉臭。頭骨開解。手足如柴。背脊如鋸。肚高脚細。項軟頭垂。真丁奚疳。哺露疳也。此症犯之。俱爲不治。庶幾以鰲甲散肥兒丸治之。圖僥倖於萬一。如其兩目喪明。瀉痢頻作。休得下藥。

鰲甲散

鰲甲

一兩 沸湯浸 童便炙

黃芪

一兩 蜜炙

白芍

一兩 酒洗

地骨皮

五錢

生地

五錢 酒洗

歸身

五錢

熟地

五錢 人參 五錢

共爲細末每服二錢開水送下

肥兒丸 見心疳門第 十一

第五十七編 雞胸龜背

雞胸肺脹痰溢膈

龜背還從風氣吹

隨源逐本明斯候

雖係沉疴可挽回

雞胸者。乃感冒風邪。入於肺經。未得發散。以致風痰。積聚心胸。不得流暢。肺熱脹滿。攻於膈上矣。夫肺朝百脉。人之呼吸。隨氣以出入。呼則氣入。葉舉而胸高。吸則氣出。葉隨而胸低。所以久嗽氣逆。入多而出少。致胸高如雞胸之狀。又有乳母多食五辛而成者。均服雞胸丸。枳殼防風丸。隨佐以清肺飲。斂之。如目直上視。痰涎上壅而發搐。則難治。龜背者。初生小兒。未及半週。強令早坐。遂使客風吹背。傳入骨髓。挾乎肺熱。則坐臥偃僂。背猶龜也。古方雖有龜尿點治之法。亦終成痼疾而不治矣。

雞胸丸

大黃一錢煨

天門冬五錢去心

百合五錢

木通五錢

枳殼五錢炒

杏仁五錢皮尖炒

朴硝五錢 桑白皮五錢 葶藶五錢

右藥共爲末蜜丸如芡實大每用一丸温湯化服

枳殼防風丸

枳殼一錢 防風一錢 獨活一錢 大黃一錢 前胡一錢 麻黃一錢 歸身一錢

右藥共爲末麵糊爲丸如黍米大每服十九米飲下

清肺飲見咳嗽門第二十二

取龜尿法

將龜放荷葉上候龜眼四顧用鏡照之其尿自出

第五十八編 痧癆

痧爲痲子號郎當 醫理精明治不妨

久嗽成癆當介意 清疳丸子急須嘗

古言曰癩。俗稱爲痧。乃時氣傳染之症。發則沿村遍市。初見點時。須表發。出將足。以清涼解毒。芥連犀柏之類治之。勿使邪火拂鬱。薰灼肺金。則能免此疾患矣。如邪熱不清。久嗽不止。肌肉削瘦。便成痧癆。必速進清疳丸。當歸養血湯。龍膽安神丸。間服之。方可奏效。

清疳丸

胡黃連二錢 川連二錢 龍膽草一分 乾蟾頭一分 川芎一錢 陳皮五分

青皮一分 醋炙五分 蘆薈一分 史君子肉五分

右藥共爲末。神麪和丸。每服七十丸。糯米飲下。

當歸養血湯

生地 當歸 川芎 麥冬 木通 山梔 甘草

右藥加燈心竹葉煎服。如便秘加大黃。

龍膽安神丸

全當歸二錢 龍膽草二錢 黃連二錢 全蝎七只 石菖蒲一分 茯苓一分

右藥共爲末加猪心米糊爲丸如麻子大硃砂爲衣燈心湯送下

第五十九編 霍亂

吐瀉無因心腹痛 過飡生冷受涼風

渴時飲水傷腸胃 邪正交攻快理中

霍亂者吐瀉也。有心痛而吐者。有腹痛而瀉者。故有冷熱之分。冷者先瀉後吐。不喜飲水。治以理中湯。熱者先吐後瀉。易渴喜飲。治以五苓散。霍香正氣散。又以盛夏初秋。乘冷露坐。渴飲冷水。過於生冷。攻擊腸胃。故暴吐暴瀉。手足俱痺。筋攣而痛。口氣溫。面慘白。脉緩。再以手按兩膝下。筋縮而引於皮膚之間。此其症也。治以理中湯。

理中湯見胎寒門第二

五苓散見夜啼門第八

霍香正氣散

焦白朮 茯苓 廣陳皮 法半夏 厚朴 紫蘇 霍香 大腹皮

白芷 炙甘草 桔梗

右藥加薑棗水煎服

第六十編 中暑

發熱唇乾嘔吐極 啼哭焦煩小便澁

大便如筒由中暑 益元清熱當爲急

靜而得之爲中暑。動而得之爲中熱。暑者六淫所中也。小兒得之。面赤唇紅。脈數煩躁發渴。啼哭嘔吐。小便赤澁。大便洞洩。好睡冷處。多飲水漿。手心火熱。此

中暑也。以益元散。黃連香茹飲治之。

益元散見瀉血門第三十五

黃連香茹飲見吐瀉門第三十一

第六十一編 中寒

面青唇白惟思吐

肢節酸疼似水澆

內熱外寒身體痛

表散其邪始即消

中寒者。感冒天時之寒。肅殺之氣。或多食生冷。以致直中臟腑。面青皸白。呵欠倦怠。甚則吐瀉相兼。手足如冰。肢體沉重。牽引百節酸疼。急須進理中湯。香蘇散。祛其寒邪。免生他患。

理中湯見胎寒門第二

香蘇散見嘔吐門第四十九

第六十二編 中惡

無端叫吼神昏窒

言語顛狂口吐沫

舌黑脈沉真死候

縱逢陀景難祛辟

小兒卒然叫吼。兩目上視。手足戰慄。舌根短縮。言語錯亂。口出白沫。非蟲非食。亦非痰厥。乃中惡也。因肅殺之氣。鬼神邪崇之物犯之耳。治法蘇合丸為穩當。鎮心定志。十中可保二三。但六脈沉伏。舌上青黑者。雖華陀仲景亦不能挽回也。

蘇合香丸

沉香二兩 丁香二兩 訶子肉二兩 煨 青木香二兩 白蔻仁二兩 白朮二兩 砂仁二兩

枳實二兩 炒 葶撥一兩 烏藥一兩 甘草一兩 檀香一兩 陳皮一兩 犀角一兩 蘇合油一兩

麝香三錢 乳香五錢 白木香一兩 白茯苓一兩 沒藥五錢 安息香一兩 酒熬無灰

右藥共爲細末煉蜜爲丸如彈子大重一錢蠟封臨用時剖取薄荷湯化服

第六十三編 瘧疾

瘧之形狀有多名

外感風寒暑濕成

內傷乳食皆爲病

故令寒熱往來生

小兒瘧疾。俱因風食爲患。此症夏秋之間爲多。因其表裏邪熱。不能發越。陰欲入而陽拒之。陽欲出而陰遏之。陰陽相搏。而瘧作矣。然夏傷於暑。秋必發瘧。之言非也。春冬染患。亦間有之。病之淺者在三陽。一日一作。深者在三陰。故間三四日而一作。作愈遲。病愈深也。唯瘧不可截。小兒瘧疾多因食。一語昭然。此要言也。小兒無七情六慾。不識不知。皆由風食使然耳。故不必察其虛實。有餘之症多。不足之症少。但當消其食。去其邪。使其由陰而陽。由晏而蚤。或至參差。可不藥而愈矣。

截瘧不二飲

檳榔 草果 知母 陳皮 枳殼 半夏 川貝 蒼朮 柴胡

烏梅 常山炒

右藥水酒各半加薑煎半盞露一宿明日五更溫服此方直待五六發後方可用之

第六十四編 痢疾

痢名滯下古來傳 赤白腸中痛莫言

補澁厚腸且緩用 治之當以利爲先

痢者起於夏秋。濕熱蒸鬱。過食生冷。積久而成。所謂物積氣滯。故名滯下。熱勝則腹痛。濕勝則腹不痛。赤屬小腸。傷於血分。白屬大腸。傷於氣分。赤白相兼。氣血俱病。非赤白而純黃。乃食積傷脾。身熱而得者爲疫痢。白者以溫胃消積治之。紅而裏急後重者。先宜推蕩。去其宿垢。七日之後。便不宜也。赤白兼下。當調

和氣血。又有身熱。聞腥則嘔。不能飲食。名曰噤口。此濕熱薰蒸。清道。胃口閉塞之故。更當察其病之新久。質之強弱。脈之盛衰。以分虛實。經不云乎。身表熱者。內疏之。小便澁者。分利之。熱者平之。寒者溫之。盛者和之。過者止之。實者瀉之。虛者補之。此治痢之大要也。又須明脾腎兩臟。先瀉後痢者。重脾傳腎爲賊邪。難療。先痢後瀉者。輕腎傳脾爲微邪。易愈。惟痢不可止。恐邪得補而愈。其更增他症矣。初宜導氣湯。枳榔丸。次以香連丸。加減養臟湯。平調臟腑。去積和中。取效。

導氣湯

枳榔 枳殼 厚朴 白木香 山查 焦建麩 紫蘇 甘草 砂仁

右藥水煎服如三日前加大黃芒硝紅痢加川連當歸白痢加乾薑

枳榔丸

枳柳二兩 大黃二兩 枳實一兩 木香一兩

右藥共研細末神麩和爲丸

香連丸

川連二兩用茱萸同炒去萸用連 木香五錢

右藥共爲末神麩糊丸

加減養臟湯

白朮米泔浸炒 茯苓 廣陳皮 炙草 木香 查肉 白芍酒炒

神麩炒 山藥 枳殼 川連酒炒 菡豆

右藥加蓮肉如虛者加人參

不治訣

舌上生胎白似絨。繞臍腹痛定然凶。痢症見之俱不治。盧醫扁鵲也無功。痢疾

更加清水瀉。食物嘔吐是難醫。補瀉兩難無妙法。溺來沙屑慢驚期。舌胎帶黑形如墨。脈沉細小不能痊。實大緊弦蒸取汗。輕推宿垢效稱全。下痢最怕脈浮出。渾身冷汗似珠流。渴飲藥物隨時出。老幼逢之命必休。

第六十五編 脫肛

脫肛病久大虛極

元氣下陷多傷力

或因瀉痢滑難收

積止升提方有益

肺與大腸爲表裏。而肛門爲大腸之魄門也。故肺臟蘊熱。則肛門秘結。肺臟虛寒。則肛門脫出。小兒患此。大都因痢而得。痢乃裏急後重。用力太努。肛門墜下。久則元氣虛極。豈能收斂耶。亦有大病之餘。叫號耗氣。不在此論。然痢病提肛更難。提其肛。恐阻塞積滯。如行其積。恐肛門愈滑。必須審其積滯已定。當用升提。大補元氣。無不奏效。

提肛散

人參 黃芪 升麻 甘草 川芎 當歸

右藥水煎服

壁土湯

陳壁土河水煎候脫肛薰洗以五倍子末摻之

鰲頭散

活鰲頭黃泥裏煨烟盡爲度研末摻上肛門卽收

第六十六編 瘡癖

癖生左脇斯爲患 日久過臍終不散

阿魏膏敷艾炷薰 膨脹形消何足憚

癖者痞也。生於左脇皮裏膜外。捏之有形。小者如覆杯。大者如手掌。或因食積。

驚氣結成。癰之臨發也。邪正交攻時。父母切弗緊抱。寒邪不得舒洩。生痞之原。實始於此。凡看法必令小兒對面。醫以右手中指抵於腰項。以大指在脇下捏之。即可見矣。俗謂男左女右者。真庸愚說。然痞者病也。殊不知左屬血。右屬氣。使拘其左右。竟以血爲氣乎。治法須用阿魏膏以犬皮攤貼。但犬性屬陽。大熱之物。不若用真蘄艾當痞塊之中。灸三壯。使痞氣消而癰頓止。如灸偏邪。恐難取效。若日久沿過其臍。灸亦無益。痞散成膨。多致不救。

灸法

用真蘄艾炷以隔蒜。至第三壯去蒜。灸畢俟發泡。以葫蘆花捏爛。及草上露水塗之。再用清涼膏護蓋。良肉長滿。永不爲患。艾取蘄州者良。蘄艾火頭向下。火息痛止。土艾火頭向上。火息痛不止。何以別之。將米一升。上置雞子一枚。灸一壯。蛋熟者蘄。不熟者土。故知其有拔山之力也。

第六十七編 痢後風

痢後風來雙膝疼

血虛筋縮步難成

膏粱厚味多宜啖

不日猶堪復舊行

久痢將瘥。忽然雙膝酸疼。腫大無力。足曲筋縮。立則掣痛。類乎鶴膝而非也。因痢後營衛大虛。氣不能充胃。血不能養筋。須以十全大補湯主之。加煖醇酒厚味半月。可以安痊。如投攻風活血之品。治亦徒然。

十全大補湯見胎怯門第二十七

第六十八編 休息痢

痢久不止名休息

推補兩難無定識

槐朮健脾和血穩

若延時日終須厄

父母慎於調護。庶使兒無疾病。雖有微疴。亦易見效。痢者初則推之。久則和之。

治之大略也。休息乃痢久不止之名。因其不戒口味。不服推蕩之藥。荏苒遷延。以成錮疾。此症忽而腹痛。下紅下白。面黃神倦。穀食不化。申晡潮熱。脾虛發腫。推補兩難。束手俟斃矣。庶幾以槐朮散。健脾和血得愈也。

槐朮散

白朮

一兩 泔浸一宿
陳壁土炒焦

槐米

四兩
炒焦

右藥共爲細末。白痢淡薑化服。赤痢紅砂糖沖服。

金鍼治休息痢方

藕豆花乾

三錢 紅痢用
紅白痢用白

陳茶葉

三錢

石榴皮

三錢

藕節

三錢

右藥煎少露一宿。紅砂糖調。

第六十九編 黃疸

黃疸雖分五種因

孩提只爲食而成

脾間濕熱相蒸。盒

利水消脾化熱平

疸之病。濕熱而成。經云。濕之濕熱。盒麩相似。小兒因飲食不節。脾胃受濕。面目黃色。小便澁而不利。利而屋漏水相似。着物皆黃。乃疸也。用茵陳五苓散治之。如渴而不休者。難治。

茵陳五苓散

粉豬苓

澤瀉

焦白朮

茯苓

川連

茵陳

黑山梔

大黃

右藥水煎熱服

金鍼治黃疸方

小兒畏藥。以芹菜汁熱酒沖服。或飲生腐漿亦可。力弱氣薄者忌藥。葫酒高粱汁等草方。

第七十編 積氣

積氣生於脾臟旁 現形發作痛難當

狀擬覆杯真確論 下氣溫經陡得康

腹痛有寒熱虛實之分。相類相反之別。夫積氣痛者在臍之左右。或起於臍下。丹田穴痛則有形有聲。圓如覆杯。長似臂狀。以熱手慰之。痛緩而有聲。便無跡也。大方稱爲伏梁奔豚。故經云。其形如瓜。其聲如蛙。小兒得之。因食積未盡。寒氣侵襲。流於小腹而成。法當以遇仙丹下其積。次以橘核散溫經逐冷。其功甚偉。如痛驟。面色眊白。脈來沉細者。大茴香湯治之。大凡腹痛一症。不可不詳究其源。倘概視其爲積氣。以熱攻熱。以寒逐寒。能無悞乎。

遇仙丹

白丑頭四兩生熟各半 尖檳榔兩一 茵陳錢五 三棱錢五 蓬朮錢五 牙皂錢五 去皮弦

右藥共爲末醋糊爲丸如棗豆大白湯送下

橘核丸

青木香兩一 小茴香兩一 橘核兩二 大茴香錢八 蓬莪朮兩一 薑黃錢八

吳茱萸浸一兩醋酒一宿焙

右藥共爲末砂仁湯下

大茴香湯

白朮 枳實 元胡索 青木香 肉桂 橘核 香附 茱萸

大茴香

右藥加生薑水煎服

第七十一編 停積

心前脹滿食傷脾 硬肉頑雞總莫醫

人生患此終須斃 雞金黃服不游移

停積者。硬物停滯於胃脘也。人生一小天地。天以陰陽五行。化生萬物。人以氣血臟腑。榮養百骸。脾者中央之土。土生萬物之義也。與胃相爲表裏。故脾健旺。五穀入胃。自能運化。而無疾病矣。凡爲生硬羊雞猪肉所傷。必胃脘高聳。按之輒痛。面黃煩熱。似瘧非邪。此症與傷食大不相同。輕則成疴。重則殞命。急以牛黃散消下。如未效。以雞裏金散磨其宿積可安。若是心前堅硬。熱久不止。大肉削瘦。生痰氣促。胸高脹滿者。不治之症也。

牛黃散見傷食門第三十九

雞裏金散

以雞裏金瓦上炙脆研末老酒調服

第七十二編 鼻衄

心火熱甚燦金中

衄血妄行似吐同

頭疼身熱防痧候

治參表裏究無窮

鼻乃肺之竅。齒乃骨之餘。此古言也。衄血心火熱。上薰肺金。以致血熱妄行。故鼻衄與吐血同。久衄則虛怯不足。治衄與治吐血同。以河間地黃散治之。甚者用犀角地黃湯。如身熱而兼有表症。乃痧也。痧內衄血爲吉。邪從衄解也。務宜詳察表裏。不可一例施治。輕變重而重變危。是誰之過歟。

河間地黃散

生地 天門冬 熟地 地骨皮 枸杞 柴胡 黃芩 川連

甘草 白芍 黃芪

右藥各等分水煎服下血加地榆

犀角地黃湯

犀角 鎊生地 白芍 丹皮

右藥各等分水煎服

第七十三編 便血

大人便血是腸風

小兒患此不相同

野雞痢症求元本

各依方藥奏奇功

大人便血。名爲腸風。臟毒。或痔瘡等。因小兒得之。名曰野雞痢。糞前糞後。點滴而下。無腹痛。後重者是也。因內有蘊熱。積於大腸。外被客風。吹入肛門。風動火生。則血熱妄行。久而不已。面黃體倦。四肢無力。身發浮腫。飲食不化。反成他患。治以地黃湯。大人腸風。及痔瘡出血不止者。服補中益氣湯。不宜妄投苦寒伐胃之濟。使氣血凝滯。難以奏功。惟小兒有患。一交春季自愈矣。

地黃丸見項軟門第十九

補中益氣湯

人參錢一 白朮錢一 當歸錢一 陳皮錢一 甘草五分 黃芪五分 升麻五分 柴胡五分

右藥加地榆錢一 全煎用芝麻油蘸紙丁火燒荊芥灰研末調和前藥溫服二

三劑而愈

第七十四編 閉結

氣閉血枯大便結 內火有餘唇破裂

輕與大腸通利重 神功立見湯澆雪

閉者大便不通之謂。結者大腸燥結之謂。大腸共肺。爲傳送之官。故氣血流行。則大便無阻滯。內火旺而血不能行矣。又有病後。及老人難便者。乃血虛氣弱。不能傳送於大腸也。當用潤腸丸主之。如火旺而內壯盛者。大承氣湯下之。如其小腹疼痛。按之有形。而堅於大便者。以蜜導法施之。極爲妥當。

大承氣湯見傷寒門第三十六

潤腸丸

麻仁兩 歸尾五錢 桃仁一兩 去尖 生枳殼兩 郁李仁一兩

右藥煉蜜爲丸白湯送下

蜜導法

白蜜半斤熬老黃色。加牙皂末少許。再煎三四轉。卽將杓於冷水面俟凍。再置火上。稍有烱意。卽以手捻如棗核。長大如欖核。兩頭光圓。蘸菜油。納入穀道。須臾燥屎自下。若不能通利。須再進一枚爲妙。

第七十五編 泄瀉

瀉分多種積風驚 冷熱虛疳暑瀉成

傷食臟寒并水利 各分調理治方平

泄者如水之泄也。勢猶紛緒。瀉者如水之瀉也。勢惟直下。爲病不一。總名泄瀉。

皆能成驚。面黃夜熱。頭頸細小。腹痛而瀉。瀉後痛減。或瀉或止。爲積瀉。以五疳散治之。身熱瀉青多沫。爲傷風瀉。以疏風分理散治之。大便青黃。睡中驚叫。因驚風脾弱得之。爲驚瀉。以健瀉溫胃散治之。腹痛腸鳴。便或黃白糟粕。水液澄清。面容青白。不思飲食。爲冷瀉。以木香荳蔻散治之。大便黃不殺穀。小便赤澁。口乾而煩躁。有聲如釣桶。水瀉過卽止。半日復然。爲熱瀉。以五疳散分理之。脾胃氣虛下陷。滑泄不止。爲虛瀉。以參苓白朮散溫補之。肚高脚細。腹膨頓瀉。色如腐漿而腥臭。出則安然。頃之復舊。爲疳瀉。以五疳散消導之。口渴唇乾。煩躁啼哭。小便澁數。大便洞泄。爲暑瀉。以益元散平之。面色痿黃。腹中作痛。瀉而少臭。如敗卵。爲傷食瀉。香橘餅主之。初生時。糞如竹青色。爲臍寒瀉。以理中湯溫之。瀉多青水。夏則五苓散。冬則胃苓湯。然暴瀉非陰。久瀉非陽。陰陽之分務宜分。毋得溷施而寡效也。凡諸泄瀉。勿使遷延日久。以成慢脾。若面赤唇紅。變痢

發搖。肉削身冷。不食滑泄。糞門如筒者。俱屬不治。

理中湯見胎寒門第二

溫胃散見滯頤門第二十八

五疳消積散見傷積門第四十

參苓白朮散見傷積門第四十

疎風分理散見吐瀉門第三十一

五苓散見夜啼門第八

益元散見溺血門第三十五

香橘餅見嘔吐門第四十九

木香荳蔻散

肉荳蔻四兩 煨去油 訶子四兩 肉煨 木香一兩 切煨

右藥共爲末砂仁湯調每服四五錢

胃苓湯

蒼朮米汁浸炒 厚朴薑汁炒 陳皮 甘草 白朮土炒 豬苓 白茯苓 澤瀉

肉桂

右藥水煎入鹽少許溫服

第七十六編 虻厥

虻蟲癩症痰食厥

四病休將一例同

辨得分明如拾芥

定然奏效有奇功

虻厥者。小兒卒然不省人事。握拳直足。如驚之狀。惟厥之名甚多。風痰壅盛。不己者。爲痰厥。腹中鼓响者。爲食厥。時發時止。有白沫出者。爲癩也。古云。面上多黃色。腹內多蟲積。兩顴帶白小點者。乃其驗也。因好食肥甘濕滯之物。致停積。

於胃日久生蟲。如腐草爲螢也。虻逆攻心。誠爲可畏。須以遇仙丹殺蟲取積。甚用備急丸攻之。或追蟲散使蟲從大便中出。出之太多。用參苓白朮散安脾調理。須知上半月蟲頭向上易治。下半月蟲頭向下難治。必須用肉羹糖蜜食下。引蟲頭向上。用藥攻之。立應矣。

遇仙丹見積氣門第七十

追蟲散見嘔吐門第四十九

備急丸見急驚門第十二

參苓白朮散見傷積門第四十

第七十七編 溺癰

卒然溺閉是名癰

小便難舒急痛攻

氣滯膀胱須導引

清金利便自能通

心火熱甚。移於小腸。故短而澁。蓋小便之行。皆賴肺氣降下而輸化。所以心火剋金。則失降下之令。故卒然閉塞。或大病之後。肺氣虛不能下降。則壅塞膀胱。膀胱有上口無下口。由氣化則能出小便也。治當清金降氣。略佐以升提之品。使其氣一鬆。則自出矣。如小腸移熱短澁者。益元散主之。如痢後溺癢。及小便中帶砂屑者。不治。

益元散見溺血門第三十五

第七十八編 胎內傷

兒在娠時形未成

須防跌撲子胎驚

若還一致懷中損

產母嬰孩兩命傾

胎內傷者。極其難辨。產下頭皮血透。漸至穿破。父母但知穩婆所傷。豈知跌撲胎損。未產而此症已成。但見是候。當問其由。如無內症。容易收功。用赤石脂文

蛤湘粉珍珠象皮冰片等。研細末乾。摻不宜用油調。因頭皮最寬。經油卽大。此真訣也。故用收斂藥效。如損要害之處。卒難圓耳。

第七十九編 奶癬

叠叠肌膚似癬形

小兒此患爲何生

須教娘母知擲節

免使周身瘡疥成

小兒奶癬。發於百日之內。忽然頭面周身。形如癬狀。有邊圓廣。大小不一。因父母素食辛熱炙博之物。以致熱毒浸潤胎中。生下孩兒。成此患矣。不發寒熱。全無痛癢。治之蚊蛤四兩打成塊。先炒黃色。次下川椒二兩同炒黑色。烟起爲度。入罐內密封。再下輕粉五錢研細。香油調敷。母戒口味立愈。

第八十編 赤遊丹毒

紫赤丹瘤屬火由

遍身遊腫似雲頭

急須藥石清涼妙

入腹難醫莫強求

丹毒者。感於未生之前。發於已生之後。兒在胎中。皆賴父母精血以養生。父母不能節慾。於是慾火昌熾。胎必受侵。復因娠母不戒口味。或於襁褓。火烘薰灼。重褥連裊。往往受熱發作。臨發時。身熱啼哭驚搐。次生紅腫。光亮遊走。發無定處。按之極痛。先後頭起者。名天罩丹。以升麻葛根湯。母子同服。餘皆起於腹背。流於四肢者。輕。四肢流入胸腹者。重。先宜針砭。去其惡血。以如意金黃散敷之。服大連翹飲。三黃散。砭血之處。肉便和軟。聲清腹軟。可以回生。丹毒入腹者。必死無疑也。

大連翹飲

見胎熱門第四

三黃散

見胎熱門第四

升麻葛根湯

升麻 乾葛 白芍 柴胡 黃芩 黑山梔 連翹 木通 甘草
右藥河水煎服

金鍼治赤遊丹毒方

大黃甘草爲末加韭地上蚯蚓泥同研細槌新鮮柏枝汁敷可免刀砭

第八十一編 赤遊癬

穢毒胎中遊癬逢 奚堪誤認赤遊風

若將刀砭圖僥倖 一似咽喉遇劍鋒

遊癬者。感受胎中穢毒也。初則發於唇口眉眼之間。或肛門小便之處。其色淡紅。其形似癬。有邊沿開。故名赤遊癬。遊癬風易愈。易凶。遊癬難以取效。而無喪命之虞。忽發紅斑。遍身脂水。沿流皮膚。成片脫落。令人可畏。不日脫然無跡。醫者從不能治。必候其血脉充足。不藥而愈。如誤作遊風治。以刀針砭割。則害

人多矣。

遊癰有二。乾者易治。溼者粘爛甚痛。因而殞命者不少。爲治者須察之。

第八十二編 重舌木舌

嬰兒患在重木舌

啼哭無聲聲亦咽

面色頰更白與青

却遇驚啼命必絕

重舌者。附於舌根。如舌而短小。或在舌下。故名重舌。近頰嚙白重嚙。皆當刺洩其血。用冰硼散搽之。木舌者。皆由心脾積熱。故令舌尖腫大。塞滿口中。若不早治。爲害甚速。用朴硝散調敷。內服瀉心散。自當可退。

重嚙俗名螳螂子

冰硼散見鵝口門第十

朴硝散

朴硝二分 紫雪一分 白鹽許少 冰片一分

右藥共研細末井水調敷

瀉心散

犀角五分 川連一分 大黃二分 山梔 黃芩 連翹各一分 蘇薄荷五分 甘草五分

第八十三編 風毒

頭面肌膚似橘皮 莫將錯認大頭醫

形如湯泡由風毒 表散風邪得治之

風毒者。因感不正之氣而發也。其始身發寒熱。頭眼卒腫。與傷寒大頭相似。而治法不同。大頭者。頭項俱腫。身痛頭疼。脉來洪數。譫語煩躁者。是幼科無此症也。風毒必內症平和。飲食如常。但宜戒口避風。服荆防敗毒散。易於奏績矣。

荆防敗毒散

荊芥 防風 柴胡 乾葛 連翹 大力子 薄荷 木通 桔梗
甘草

右藥加燈心煎服

第八十四編 走馬疳

臭息崩砂及潰槽

腐根宣露熱之饒

牙根脫落常流血

只爲疳蒸奔上焦

走馬疳。其名有五。初起因熱奔上焦。口臭出血。名臭息。次第齒黑。名曰崩砂。致於斷齦。名潰槽。熱血迸出。名宣露。甚者牙皆脫落。名腐根。其患迅速。久則穿腮破唇。必不可治。外用人中白散。礪冰散搽之。取去黑臭腐肉。內見紅肉血流者。吉。如取頑肉不脫。穢臭不減。身熱不退者。不治。須服蘆薈消疳散。

人中白散見腎疳門第五十五

蘆薈消疳散見腎疳門第五十五

冰硼散見鵝口門第十

牙疳有五不治 牙落無血者不治 口臭涎穢者不治

黑腐不脫者不治 穿腮破唇者不治 用藥不應者不治

第八十五編 乳蛾

小兒咽症看猶難 乳蛾發出有雙單

利膈清咽眞妙法 須防氣促及生痰

咽喉爲一身之要道。作心肺肝腎呼吸之門。害人迅速。小兒患此。非蛾卽痺。二症咸因風熱實邪不散。熱則生痰。痰火並舉而得也。小兒喉痛。何以知之。但吮乳必哭。其病必在喉也。取筯壓其口。察其喉。蛾發於關外。或左或右。或左右皆有。突如蛾腹。故得其名。關內則熱傷脾。治乳蛾兒大者。以鍼微刺出血。吹冰硼

散服清咽利膈湯。慎勿誤犯蒂丁。致使立斃。如兒幼不必刺血。又大人患此。甚者水穀難入。將土牛膝根打汁飲之。蒂丁即小舌也

清咽利膈湯

前胡 防風 荆芥 連翹 牛蒡子 元參 山梔 桔梗 山豆根

甘草

右藥加燈心二十根水煎服

第八十六編 螞蟻丹

火丹傳說外科醫 業在其中莫可諉

端是三焦風與熱 清涼解毒不須疑

小兒三焦風熱。乘於肌表。風動火生。風火相搏。身發寒熱。遍身如丹。似痧非痧。斑如雪片。上有風粟。發之多庠。煩渴焦躁者。螞蟻丹也。以化斑解毒湯主之。散

其邪熱。七日後則安。如不戒口。反將熱水洗澡。變爲頑癩癬矣。

化斑解毒湯

川連 石膏 連翹 荆芥 元參 大力子 升麻 淡竹葉
知母 人中黃 甘草

製人中黃法

大甘草去皮作粉。用大竹筒一段鑽一孔。將甘草粉入筒內。以木釘塞沒。浸糞池百日。或七七日。取清水浸去臭氣。陰乾劈開。於紙上拔晒。研細貯磁瓶。聽用。此藥能治諸般惡瘡熱毒。癩痘斑疹。遺毒潰爛。解河魴。及一切等毒俱效。

第八十七編 喉痺

風熱逗留傳肺胃

無時作咳少痰延

高聲開口傷風嗽

閉口低聲喉癰傳

幼科乃啞科也。凡兒身熱無不有因。如不見病之根由。未便妄圖僥倖。犯此乃三焦風熱。鬱於肺胃。久熱不退。喉爲火邪薰灼。則發爲痺。初起似乎傷風。而傷風嗽者。聲高開口。嗽而有痰。或頓嗽者。是也。喉痺嗽。則嗽聲低小。閉口無痰。音不响亮者。是矣。此症一見。先察其喉。如未腐爛。急吹冰散。內服加味清咽利膈湯。十中可保七八。如少有腐狀。雖能進食。尙可保其三四矣。如水穀不入。腐爛臭穢。啼哭無聲。鼻扇氣促者。無可生之理矣。

冰硼散見鵝口門第十

加味清咽利膈湯

連翹

錢一

川連

錢一

元參

錢一

銀花

錢一

黃芩

錢一

防風

錢一

桔梗

錢一

甘草

錢一

荊芥

錢一

薄荷

錢一

朴硝

錢二

大黃

錢一

牛蒡子錢一 黑山梔錢一

右藥水煎熱服

第八十八編 鹽哮醋哮

哮拔總爲鹹酸得 經久膺胸高露骨

發時氣喘不能眠 艾火一灸拔山力

身熱在表爲肺風。氣促不息爲痰喘。無此兩端。時發時止。爲哮拔。肺乃輕清。惡鹹酸熱毒。食之太過。觸之暴哭。必入於肺。而成哮拔。方書治法頗多。從無效驗。家傳灸法。術秘青囊。男左女右。灸其小指尖頭。少冲穴一壯。艾火將息。內有鹽塊半米許。躍出爲驗。戒鹹酸四十九日。永不復發。如延歲月。希其自愈。終成肺痿。龜胸等症。而斃。

凡灸與針。皆看尻神所在。其歌詳卷末。

第八十九編 疔腮

發頤傳染疔腮名 不論雙單一例形

俗說鰻鱧瘟便是 散邪清熱莫留停

此症乃四時不正之氣感而發之也。如春時應煖反寒。夏時應熱反涼。秋時應涼反熱。冬時應寒反溫。非其時而有其氣感之者。寒熱交作。以致項前結腫。狀若鰻腮。故俗呼之。極易傳染。須進柴胡葛根湯。表散其邪。腫自消矣。當避風戒口。如誤作腫毒治。則有內潰變遷之患矣。

柴胡葛根湯

柴胡 葛根 黃芩 連翹 大力子 天花粉 升麻 桔梗
右藥水煎熱服

第九十編 葡萄疫

不正之氣鬱肌膚 色似葡萄漸漸多

庸愚未諳將斑治 直待牙宣誰執誤

葡萄疫。出於外科方書。乃不正之氣使然。小兒稍有寒熱。忽生青紫斑點。大小不一。但有點而無頭。色紫若葡萄。發於頭面者點小。身上者點大。此表症相干。直中胃腑。邪毒傳攻。必致牙宣。十有八九。久能虛人。急以羚羊角散。清熱涼血。又有牙根先腐者。人中白散搽之。不可溷作斑治。

羚羊角散

羚羊角八分 防風八分 麥冬八分 玄參八分 大力子八分 知母八分 黃芩八分 甘草二分

右藥加淡竹葉十片煎服

人中白散見腎疳門第五十五

第九十一編 耳潰

耳膿名得爲停耳

水濕停留客腎經

妙藥必求龍骨散

化膿清熱自然寧

耳者腎之外候。小兒腎經氣熱。其氣上冲耳中。水濕停留。搏於血氣而成。發無寒熱。不哭不知者。爲耳潰。久而不治。恐成耳聾。先以綿毬取出其膿。宜紅綿龍骨散吹入。自然愈矣。

紅綿龍骨散

枯礬五分龍骨五分麝香厘五紅綿灰三分卽用乾胭脂灰如無紅綿胭脂邊煨灰爲末先

用綿毬拭去膿穢以藥吹之

第九十二編 火燙

火燒湯潑最徬徨

好好身軀頃刻傷

襁褓未離全賴慎

無情水火切須防

火燙乃出其不意之症。非內因由外染者也。猝然良肉被傷。異常疼痛。發泡腐爛。見之可駭。急以紫草潤肌膏塗之。次以龜蛇散搽敷。如外被涼物所汲。火毒內攻。致生煩躁。內熱口乾。大便秘實者。復以四順清涼飲下之。

紫草潤肌膏

紫草一錢 當歸五錢 麻油四兩

右三味同熬藥枯濾清去渣將油再熬加黃蠟五錢鎔化傾入碗內頓冷聽用

龜蛇散

敗龜板五錢 頭足在甲內 雄蛇殼一錢 在牆屋及樹上者為雄 大麥灰五錢 老榆樹皮五錢

右藥共為細末乾摻如無潤肌膏竟用麻油調敷

四順清涼飲

連翹一錢 赤芍一錢 羌活一錢 防風一錢 甘草五分 黑山梔一錢 當歸一錢 大黃一錢

右藥加燈心二十根水煎服

第九十三編 濕痺

雙膝酸疼筋不支

步行平地若高低

濕痺良由肝受病

當歸拈痛不虛題

痺者內因肝血不充。外被寒濕所中。蓋肝主筋。通一身之血脉也。患者兩膝酸疼。步履不堪。過檻如登峻嶺。久則臥床癱瘓。若不治療。終成鶴膝風矣。初用舒筋活血之品服之。仍用藥渣煎湯熏洗。令其汗出。俟少減。即進當歸拈血湯。燥脾行血必愈。凡痺獨發於足。而不發於身。豈身無血脉者耶。蓋寒從足上而起也。

舒筋活血飲

陳皮 蒼朮炒 羌活 獨活 秦朮 川續斷 當歸 牛膝 木瓜

桂枝 防風 米仁

右藥加生姜煎服

當歸拈血湯

羌活 甘草炙 黃芩炒酒 茵陳酒製 雲苓 蒼朮泔水浸炒 澤瀉 人參 防風

升麻 苦參 白歸身炒酒 知母 葛根 猪苓 白朮

右藥各等分水煎服

第九十四編 膿窠瘡

膿窠癢痛苦煎熬 皆從濕熱互相遭

內服消風涼血飲 外搽仙散一齊燋

經曰諸痛瘡瘍皆屬心火。惟膿窠之不症同。蓋因肺經有熱。脾經有濕。二氣交

作而發也。初起作癢。搔破變作膿窠而疼。宜進消風涼血之品。又以鍼挑破去膿。搽蛇床子散。戒口自愈。愈後復發。搽至三次。自永絕其患矣。

消風散

當歸 生地 何首烏 防風 僵蠶 銀花
荆芥 苦參 胡麻 白蒺藜 知母 甘草

右藥水煎熱服

蛇床子散

蛇床子一兩 大楓子肉一兩 松香一兩 枯礬一兩 生大黃五錢 黃丹五錢 輕粉三錢
右藥共爲末。芝麻油調敷。

第九十五編 瘡痂

古語生瘡不死人 膚肌血脉漸來侵

過飧粉麵當風睡立見虛浮鼓脹臨

瘡疥乃微芒之疾也。濕熱所變。易於蔓延。治則難痊。愈而又發。多致皮膚枯槁。浸淫血脉。搖痒無度者。一掃光搽之。止痒殺蟲取效。忌食粉麵等物。必無瘡痼之虞。若內停飲食。外感風邪。瘡勢頓減。便是入腹之機。卒然胸腹脹滿。眼胞浮而四肢腫矣。急用表散。先取其汗。次以消導退腫。使瘡毒達表。則腫自消。裏自清矣。

一掃光

苦參斤 黃柏斤 胭脂升 土鱉肉兩 明礬兩 枯礬兩 水銀兩 樟冰兩
製硫黃兩 川椒兩 輕粉兩 白砒錢

右藥共爲末貯磁餅聽用以熟豬油調勻搽擦此方不可輕用

服方

陳皮 青皮 大腹皮 木香 木瓜 萊服子 木通 蘇子

枳殼 枳榔 滑石 草菓肉

右藥加酒半鍾生薑三片砂仁一錢煎服

又方

露蜂房一枚頂大者最佳河水三四碗煎至碗許候適口徐徐服之

又方

凡小兒癬疥名狗疥也肌體嬌嫩重劑何堪將燈檪煨油加枯礬少許抹之

第九十六編 反關痘

說到反關人人怕 肌膚閉塞風邪壩

若然不遇青囊手 命在須臾頃刻罷

反關者。聞之畏怕。見之駭然。人身同天地之氣。週流督脉。傳注皆然。氣分毒邪。相夾交爭。肌膚閉塞。津關難度。毒不能勝。以致內攻。命在反掌。其症狂言譫語。煩躁不寧。手足抽掣。目筋腹脹。隱隱不振。昏睡不省。或現斑點。卽沒。或大小便并口鼻失血者。不治。如無此端。以麻黃透肌湯服之。外以萎蘇湯洗浴。出汗而發。十中救其二三。若見氣急腹脹者。勿得下藥。

麻黃透肌湯

升麻 羌活 白芷 麻黃 大腹皮 焦山查 蟬退 防風

桔梗 乾葛 紫蘇葉 枳殼

右藥加葱白七枚。笋尖三個。地龍四五條。水煎服。

萎蘇湯

大胡葱一把。紫蘇葉二兩。水楊柳三四斤。芫荽一把。如無以芫荽子亦可。

河水一大鍋入四味同煎數沸先將半鍋放於浴桶內候適手時患者渾身洗淨熨其腹漸將熱湯浴透出汗爲度將厚被蓋之卽發發出之稀稠再決生死耳

此書自九十七編以下均已失傳俟異日覓得全書再行補刊

幼科金鍼卷下終

幼科金鍼卷下

▲醫界名人之評語▼

中西匯通醫社張錫純氏曰：

實用中醫學一書。會萃國醫數千年之精華。融會一己十餘年之心得。乃有關醫學盛衰之名著。非偶然也。

全國醫藥總會蔣文芳氏曰：

接部就班。分門別類。依課本之編製。作忠實之指導。不特貢獻於醫界人士。且使民衆得以咸明醫學之常識。

蘭溪中醫專校張山雷氏曰：

不侈高深。不談空理。在在以實能應用。為歸宿。與詭異奇僻之近人情者。不可同日而語。傑作也。

醫藥新聞報社吳克潛氏曰：

網羅豐富。悉以經驗有用為歸。蓋深。有慨夫空談之徒。徒足以欺世。而無裨於實際者作也。所以續墜緒而啓來茲者。其在斯乎。

最 近 實 用 中 醫 學 名 著

(述著生先未伯秦)

得其至精，可以為醫行道。
得其大概，可以充滿常識。

全書十二編要目如下：

- 一 生理學
- 二 病理學
- 三 診斷學
- 四 藥物學
- 五 治療學
- 六 處方學
- 七 內科學
- 八 婦科學
- 九 幼科學
- 十 外科學
- 十一 五官科
- 十二 花柳科

全書七百餘面。用大號鉛字精印。分甲乙兩種。茲為普及起見。定價特別從廉。

甲種平裝四厚冊 定價三元 七折
乙種洋裝一厚冊 實洋二元五角

中醫書局謹啓

發行處上海山東路
五馬路南二十六號

清 代 名 醫 醫 案 精 華

本書爲上海秦伯末氏所編纂。集清代

二十餘名家之精華

。如葉天士、薛生

白、吳鞠通、尤在

涇、王旭高、張仲

采、何書田、趙海

入、馬培之、王九

者、巢崇山、張千

二、張聿青、陳蓮

十、秦笛橋、凌曉

家、陳良夫、金子

久、丁甘仁等。全

書一千餘面。四十

餘萬言。洵未有之

巨著。洋洋乎大觀

也。

清 代 名 醫 醫 話 精 華

本書爲秦伯末先生整理清代醫學之第二部巨著

。伯末先生前著清代名

醫醫案精華一書。既已

洋洋大觀。風行國內外

。惟尙有各種醫案。均

屬筆記體。與該書體例

不合。未曾采入。茲特

編纂本書。以期完滿。

采入者如喻嘉言、張石

頑、王孟英、徐靈胎、魏

玉璜、林義桐、齊有堂、

程觀泉、何鴻舫、張希

白、李修之、余聽鴻、李

冠仙、姚晏如、張畹香、

潘蘭坪、吳東暘、魏小

泉等。二十餘家。

近 代 醫 案 之 大 觀 ① 醫 家 終 身 之 良 伴

【醫案】

全部四冊

定價三元

【醫話】

全部四冊

定價三元

每種均裝

錦盒

單購一種

七折

兩種合購

六折

上海山東

路帶鈞橋

二十六號

中醫書局

總發行

全書五萬言

將廿載之經驗——費五年之心血——始成此書——能熟讀此書——得其門徑——不難懸壺應世——以一針一灸——即敷應用——診治病症——可立見奇功——非若內科之煎煮費時——西醫之設備費力也……

全圖中國簡明鍼灸治療學出版

◎本書係當代針灸專家溫主卿先生所著……

◎本書有無師自通之妙——為學針灸者之第一部寶笈

◎繪全圖以明部位·立歌括以得祕訣……

本書內容分總括。時令禁忌歌訣。十二經絡歌。放痧分經歌及製針。行針。製灸。行灸。刮痧各法。次以正。背。骨度及頭面腦後。前後身針灸要穴圖。再次以任督灸痧圖法。鬼祟猖狂歌圖。臍風灸圖法。先後天灸陰陽圖法。前後身禁針灸穴圖。審穴歌。穴道診治歌及其他一切要訣。一圖一歌。均取簡明實用。未附各項痧症驗方及痧症忌食歌。尤為至要也。

提 要

全書用上等中國連史紙精印·裝釘二大冊·定價三元·七折·外埠寄費加一

◀ 告 廣 出 新 ▶

吳 澄 著
不 居 集

吳澄字鑑泉。號師朗。清代嶺南名醫也。嘗謂百病不出內外二因。疑似之間。最宜辨晰。內傷類外感。東垣已發明於前。外感類內傷。自漢迄今無專辨。以致實實虛虛。殺人多矣。爰台越人及宋元明諸家治法。參以心得。補偏救弊。著不居集上下共五十卷。上集三十卷。一統治大法。二秦越人治法。三張仲景治法。四葛真人治法。五劉河間治法。六李東垣治法。七朱丹溪治法。八薛新甫治法。九張景岳治法。十吳師朗治法。十一水丘道人治法。十二各名家治法。十三血症扼要血症全書。十四血症例方。十五欬嗽綱目。十六熱症全書。十七痰症扼要。十八七情內鬱。十九遺精白濁。二十自汗盜汗。廿一泄瀉。廿二怔忡驚悸健忘善怒善恐不眠。廿三咽喉聲啞喉乾咽痛喉癰口瘡乳蛾。廿四脇腰骨頸項脊背腿痛。廿五喘急口渴煩躁兩頰赤足膝冷。廿六嘔吐噁心吞酸嘈雜。廿七飲食不甘虛損戒忌。廿八蓐勞。廿九室女經閉成損。三十童子疳勞。下集二十卷。一風勞。二風熱。三風寒。四暑症。五濕勞。六積熱。七屢散。八積痰。九食積。十失血。十一積痰。十二酒傷。十三肺癰肺痿。十四瘰癧。十五賭勞。十六疑慮。十七外蟲。十八諸漏。十九病後調治。二十九藥誤治。而卷首並附總旨及十法。尤能扼要。有如畫龍點睛。

本局覓得芸香閣精刻本。特加校訂。用四號鉛字排印。貢獻醫界。有價值之著作。當有目共賞。不煩多贅也。

全書十冊 連史紙印 定價六元 七折 外埠郵費二角三分



A541 212 0012 1602B

中華民國廿五年四月再版

版權所有 禁止翻印

幼科金鍼

全書一册 定價大洋四角

編纂者 上海 秦景明

參校者 金山 吳果超

發行者 上海中醫書局

印刷者 國光印書局

上海南成都路新大沽路口
電話三三七四三號

總發行所 上海中醫書局

代售者 廣州林記書莊

雙門底



~~1617656~~